


മഹൻ തുറന്നു വിടുന്ന ഞാൻ



መፅሐፉ በውስጡ የያዘቸው የመግለጫ ብዛት

1ኛ የዘወትር ጸሎትን ፣

2ኛ የዕለቱን ውዳሴ ማርያም ፣

3ኛ አንቀጸ ብርሃንን ፣

4ኛ ይዌድስዋ መላዕክትን ፣

5ኛ መልክአ ማርያምን ፣

6ኛ መልክአ ኢየሱስን እና

7ኛ የግዕዝ ቁጥሮችንም ጨምሮ ይዟል።



ጸሎት ዘዘወትር

1. አዐትብ ገጽዩ ወኩለንታዩ በትእምርተ መስቀል። በስመ ኣብ ወወልድ ወመንፈስ ቅዱስ ኣሓዱ ኣምላክ።

በስመ ኣብ ወወልድ ወመንፈስ ቅዱስ ኣሓዱ ኣምላክ በቅድስት ሥላሴ እንዘ ኣኣምን ወእትመኅፀን እክሕደከ ሰይጣን በቅድመ ዛቲ እምዩ ቅድስት ቤተ ክርስቲያን እንተ ይእቲ ስምዕላዊ ማርያም ጽዮን ለዓለም ዓለም።



ነኣኩተከ እግዚአ

2. ነኣኩተከ እግዚአ ወንሴብሐክ። ንባርከከ እግዚአ ወንቅኣመነከ ንገኒ ለከ እግዚአ ወንቅቀነይ ለስምከ ቅዱስ። ንሰግድ ለከ ኦ ዘለከ ይሰግድ ኩሉ ብርክ ወለከ ይቅቀነይ ኩሉ ልሰን። ኣንተ ዉእቱ ኣምላክ ኣማልክት፡ ወእግዚአ ኣጋእዝት፡ ወንጉሠ ነገሥት፡ ኣምላክ ኣንተ ለኩሉ ዘሥጋ ወለኩሉ ዘነፍስ፡ ወንዴዉዓከ በከመ መሐረነ ቅዱስ ወልድከ እንዘ ይብል ኣንቅሙሶ ሶበ ትዴልዩ ከመዝ በሉ።



አቡነ ዘበሰማያት

3. አቡነ ዘበሰማያት ይቅቀደስ ስምክ፤ትምዳእ መንግሥትከ

ወይኩን ፈቃድከ በከመ በሰማይ ከማሁ በምድር ፡ ሲሳየን
ዘለለ ዕለትን ሀበን ዮም። ኅድግ ለን አበሳን ወንጋየን ከመ
ንሕነኒ ንኅድግ ለዘአበሰለን። ኢታብኣን እግዚአ ውስተ
መንሱት። አለ አድኅነን ወባልሐን እምኩሉ እኩይ ።እስመ
ዚአከ ይእቲ መንግሥት ኃይል ወስብሐት ለዓለመ ዓለም።

አሜን



በሰላም ቅዱስ ገብርኤል መልአክ

በሰላም ቅዱስ ገብርኤል መልአክ

4. በሰላም ቅዱስ ገብርኤል መልአክ ኦ እግዝእትዮ ማርያም

4. በሰላም ቅዱስ ገብርኤል

ሰላም ለኪ። ድንግል በሕሊናኪ ወድንግል በሥጋኪ እመ
 እግዚአብሔር ጸባዖች ሰላም ለኪ፡ ቡርክት አንቲ እምአንስት
 ወቡሩክ ፍሬ ከርሥኪ። ተፈሥሒ ፍሥሕት ኦ ምልእተ ጸጋ
 እግዚአብሔር ምስሌኪ፡ ሰአሊ ወጸልዩ ለነ ኅባ ፍቁር
 ወልድኪ ኢየሱስ ክርስቶስ ከመ ይሥረይ ለነ ኃጣዉኢነ።

አሜን



ጸሎተ ሃይማኖት

5. ጸሎተ ሃይማኖት ነአምን በ፩ዱ አምላክ እግዚአብሔር አብ አኃዜ ኩሉ ዓለም ገባረ ሰማያት ወምድር ዘኢያስተርኢ ወዘኢያስተርኢ። ወነአምን በ፩ዱ እግዚእ ኢየሱስ ክርስቶስ ወልደ አብ ዋሕድ ዘህልው ምስሌሁ እምቅድመ ይቅፈጦር ዓለም። ብርሃን ዘእምብርሃን አምላክ ዘእምአምላክ ዘበአማን። ዘተወልደ ወአኮ ዘተገብረ ዘዕሩይ ምስለ አብ በመለኮቱ። ዘቦቱ ኩሉ ኮነ ወዘእንበሌሁሰ አልቦ ዘኮነ ወኢምንትኒ ዘበሰማይኒ ወዘበምድርኒ። ዘበእንቲአነ ለሰብእ ወበእንተ መድኃኒትነ ወረደ እምሰማያት።

ተስብኦ ወተሠገወ ወእመንፈስ ቅዱስ ወእማርያም እምቅድስት ድንግል። ኮነ ብእሲ ወተሰቅለ በእንቲኣነ በመዋዕለ ጵላጦስ ጴንጤናዊ ሓመ ወሞተ ወተቀብረ ወተንሥኦ እሙታን ኣመ ሣልስት ዕለት በከመ ጽክፍ ዉስተ ቅዱሳት መጻሕፍት። ዐርገ በስብሓት ዉስተ ሰማያት ወነበረ በየማነ ኣቡሁ፡ ዳግመ ይመጽእ በስብሓት ይኮንን ሕያዋነ ወሙታነ ወኣልበ ማኅለቅት ለመንጉሥቱ። ወነኣምን በመንፈስ ቅዱስ እግዚእ ማሕዋዊ ዘሰረፀ እምኣብ ንስግድ ሎቱ ወንሰብሐ ምስለ ኣብ ወወልድ ዘነበበ በነቢያት። ወነኣምን በኣሓቲ ቅድስት ቤተ ክርስቲያን እንተ ላዕለ ኩሉ ጉባኤ ዘሐዋሪያት፡ ወነኣምን በኣሓቲ ጥምቀት ለሥርየተ ኃጢአት። ወንሴፎ ትንሣኤ ሙታን ወሕይወተ ዘይመጽእ ለዓለመ ዓለም።



ቅዱስ ቅዱስ ቅዱስ እግዚአብሔር

6. ቅዱስ ቅዱስ ቅዱስ እግዚአብሔር ጸባዖች ፍጹም ምሉእ ሰማያት ወምድረ

ቅድሳት ስብሐቲክ። ንሰግድ ለክ ክርስቶስ ምስለ ኣቡክ ኄር ሰማያዊ

ወመንፈስክ ቅዱስ ማሕዋዊ እስመ መጻእክ ወኣድኃንክ።

✝ እሰግድ ለኣብ

7. እሰግድ ለኣብ ወወልድ ወመንፈስ ቅዱስ ኣሐተ ስግደተ እሰግድ ለኣብ

ወወልድ ወመንፈስ ቅዱስ ኣሐተ ስግደተ እሰግድ ለኣብ ወወልድ

ወመንፈስ ቅዱስ ኣሐተ ስግደተ

† እሰግድ ለኣብ

እንዘ ኣሓዱ ሠለስቱ ወእንዘ ሠለስቱ ኣሓዱ ይሠራሉ በኣካላት
ወይትወሓዱ በመለኮት እሰግድ ለእግዝእትን ማርያም ድንግል
ወላዲተ ኣምላክ እሰግድ ለመስቀለ እግዚእን ኢየሱስ ክርስቶስ
ዘተቀደሰ በደሙ ክቡር መስቀል ኃይልን መስቀል ጽንዕትን
መስቀል ቤዛን መስቀል መድሃኒተ ነፍስን። ኣይሁድ ክሕዱ።
ንሕነሰ ኣመነ ወእለ ኣመነ በኃይለ መስቀሉ ድን።



ስብሐት ለኣብ

8. ስብሐት ለኣብ ስብሐት ለወልድ ስብሐት ለመንፈስ ቅዱስ /3/ ፤

ስብሐት ለእግዚእትን ማርያም ድንግል ወላዲተ ኣምላክ ፤ ስብሐት

ለመስቀለ እግዚእን ኢየሱስ ክርስቶስ ፤ ክርስቶስ በምሕረቱ ይዘክረን ፤

ኣመ ዳግም ምጽኣቱ ኢያስተኃፈረን ፤ ለሰብሐተ ስሙ ያንቅሓን ፤

ወበኣምልኮቱ ያጽንኣን ፤ እግዚእትን ማርያም ድንግል ወላዲተ ኣምላክ

ኣእርጊ ጸሎትን ፤ ወኣስተስርዩ ኩሎ ሃጢአተን ፤ ቅድመ መንበሩ

ለእግዚእን ፤

✝ ስብሐት ለኣብ

ለዘኣብልኣን ዘንተ ኅብስተ ፤ ወለኣስተየን ዘንተ ጽዋዐ ፤ ወለዘሠርዐ ለን ሲሳየን ወዐራዘን ፤ ወለዘተዓገሶ ለን ኩሎ ኃጢአተን ፤ ወለዘወሀበን ሥጋሁ ቅዱሶ ወደሞ ክቡረ ፤ ወለዘኣብጽሓን እስከ ዘቲ ሰዓት። ነሀብ ሎቱ ስብሐተ ውኣኩቴተ ለእግዚኣብሔር ልዑል ወለወለዲቱ ድንግል ወለመስቀሉ ክቡር ይትኣኩት ወይሰባሕ ስሙ ለእግዚኣብሔር ኣምላክን ወትረ በክሉ ጊዜ ወበኩሉ ሰዓት። ሀሌ ሉያ ሰብሕዎ ወወድስዎ በኣሐቲ ቃል ሣራረሀ ኩሉ ዓለም ።



ሰላም ለኪ

9. ሰላም ለኪ እንዘ ንሰግድ ንብላኪ ማርያም እምነ ናስተበቁዐኪ። እምኣርዌ ነኣዊ ተማኅጸነ ብኪ። በእንተ ሓና ኢምኪ ወኢያቄም ኣቡኪ ማኅበረነ ዮም ድንግል ባርኪ።

ጸሎተ እግዝእትነ

10. ጸሎተ እግዝእትነ ማርያም ድንግል ወላዲተ ኣምላክ። ታዐብዮ ነፍስዮ ለእግዚአብሔር። ወትትኃሠይ መንፈስዮ በኣምላኪዮ ወመድኃንዮ፤ እስመ ርእዮ ሕማማ ለኣመቱ። ናሁ እምይእዜሰ ያስተበፅዑኒ ኩሉ ትዉልድ።



ጸሎተ እግዚእትን

እስመ ገብረ ሊተ ኃይለ ዐቢያተ ወቅዱስ ስሙ። ወሣህሉኒ ለትውልድ ትውልድ ለእለ ይፈርህዎ። ወገብረ ኃይለ በመዝራዕቱ፡ ወዘረዎሙ ለእለ ያዐብዩ ሕሊና ልቦሙ፡ ወነሠቶሙ ለኃያላን እመ ናብርቲሆሙ። ኣዕቦዮሙ ለትፋክታን፡ ወኣጽገቦምሙ እምበረከቱ ለርኑባን፡ ወፈነዎሙ ዕራቆሙ ለብዑላን ወተወክፎ ለእስራኤል ቊልዔሁ፡ ወተዘከረ ሣህሎ ዘይቤሎሙ ለኣበዊነ ለኣብርሃም ወለዘርኡ እስከ ለዓለም። ሉቃስ ፩፡፶፮-፶፭። ስብሐት ለኣብ ወወልድ ወመንፈስ ቅዱስ፡ ለዓለም ወለዓለም ዓለም ኣሜን።



ውዳሴ ማርያምን ከመድገምዎ በፊት ይህንን ይበሉ

- አ እግዚአቶሮ ፍትህን እማይሰሩ ለሰይጣን እሙ ለመድሃን ወለተ ብርሃን ባርኪን ቀድሶን ወአንፅህን በከመ ባርክዮ ለቅዱስ ኤፍሬም ፍቁርኪ በረከተ ፍቁር ወልድኪ ወአቡሁ ወመንፈስ ቅዱስ ይጎድር በላዕሌየ ::



ውዳሴ ዘሰኑይ



ውዳሴሃ ለእግዚእትን ማርያም ድንግል ወለዲተ አምላክ ዘይትነበብ
በዕለተ ሰኑይ።

- 1. ፈቀደ እግዚእ ያግዕዝ ለአዳም ኅዙነ ወትኩዝ ልብ ወያግብኦ ኅበ
ዘትካት መንበሩ፡ ሰኣሊ ለነ ቅድስት።
- 2. ሠረቀ በሥጋ እምድንግል ዘእንበለ ዘርኣ ብእሲ ወአድኃነነ። ለሌዋን
እንተ አስሓታ ከይሲ ፈትሓ ለዕሌሃ እግዚአብሔር እንዘ ይብል ብዙኃ
አበዝኖ ለሕማምኪ ወለፃርኪ፡ ሠምረ ልቡ ኅበ ፍቅረ ሰብእ
ወአግዐዘ፡ ሰኣሊ ለነ ቅድስት።

3. ኢየሱስ ክርስቶስ ቃል ዘተሰብኦ ወኃደረ ለዕሌን ወርኢን ስብሐቱሁ

ከመ ስብሐተ ፩ዱ ዋሕድ ለኣቡሁ ሠምረ ይሣሃለን፡ ሰኣሊ ለን ቅድስት።

4. ርእዮ ኢሳይያስ ነቢይ በመንፈስ ትንቢት ምሥጢሮ ለኣማኑኤል

ወበእንተዝ ጸርሐ እንዘ ይብል ሕፃን ተወልደ ለን፡ ወልድ ተዉህበ ለን፡ ሰኣሊ ለን ቅድስት።

5. ተፈሣህ ወተኃሠይ ኦ ዘመደ ዕጓለ እምሕያው እሰመ ኣፍቀሮ እግዚኣብሔር

ልዓለም፡ ወመጠወ ወልድ ዋሕድ ከመ ይሕየዉ ኩሉ ዘየኣምን ቦቱ እስከ ለዓለም፡ ፈነወ ለን መዝራዕቶ ልዑል፡ ሰኣሊ ለን ቅድስት።

6. ዘሀሎ ወይሄሉ ዘመጽኣ ወካዕበ ይምጽእ ኢየሱስ ክርስቶስ ቃል
ዘተሰብኣ እምኔኪ ዘእንበለ ዉላጤ፡ ኮነ ፍጹም ሰብኣ፡ ኢተበኣደ
ወኢተፈልጦ በኩሉ ግብሩ ወልድ ዋሕድ፡ኣላ፩ዱ ራእይ፡ ወ፩ዱ ህላዌ
ወ፩ዱ መለኮት ዘእግዚአብሔር ቃል፡ ሰኣሊ ለነ ቅድስት።

7. ተፈሥሒ ኦቤተልሔም ሀገሮም ለነብያት እስመ በኃቤኪ ተወልደ
ክርስቶስ ዳግማይ ኣዳም ከመ ያግብኣ ለኣዳም ቀዳሚ ብእሲ እምድር
ዉስተ ገነት ይሥዐር ፍትሐ ሞት፡ ኦ ኣዳም መሬት ኣንተ ወትገብእ
ዉስተ መሬት፡ ንበ ሀለወት ብዝኅት ኃጢአት በህዩ ትበዝኅ ጸጋ
እግዚአብሔር፡ ሰኣሊ ለነ ቅድስት።

8. ትንፋሳት ወትትሐሠይ ኩሉ ነፍስተ ሰብእ፡ ምስለ መላእክት ይሰብሕዎ

ለክርስቶስ ንጉስ ይደርክ ወይበሉ ስብሐት ለእግዚአብሔር በሰማያት፡ ወሰላም
በምድር ሥምረቱ ለሰብእ፡ እስመ ሠዐረ ዘትካት ወነሠተ ምክሮ ለጸላኢ፡
ወሠጠጠ መጽሐፈ ዕዳሆሙ ለአዳም ወለሔዋን፡ ወሰዮሙ ኣግዐዝያነ
ዘተወልደ ለነ በሀገረ ዳዊት መድኃኒነ ኢየሱስ ክርስቶስ፡ ሰኣሊ ለነ ቅድስት።

9. ብርሃን ዘበኣማን ዘያበርህ ለኩሉ ሰብእ ለእለ ይነብሩ ዉስተ ዓለም፡በእንተ

ፍቅረ ሰብእ መጸእከ ዉስተ ዓለም ወኩሉ ፍጥረት ተፈሥሐ በምጽኣትከ፡
እስመ ኣድኃንኮ ለአዳም እምስሕተት፡ ወረሰይካ ለሔዋን ኣግዳዚተ እምፃዕረ
ሞት ወወሀብከነ መንፈሰ ልደት፡ ባረክናከ ምስለ መላእክቲከ፡ሰኣሊ ለነ
ቅድስት።



ዉዳሴ ማርያም ዘሠሉስ



ዉዳሴሃ ለእግዝእትነ ማርያም ድንግል ወለደት ኣምላክ ዘይትነበብብ ሰለተ ሠሉስ።

1. ኣክሊለ ምክሕን ወቀዳሚተ መድኃኒትነ ወመሰረተ ንጽሕነ ኮነ በማርያም ድንግል፡ እንተ ወለደት ለነ ዘእግዚኣብሔር ቃለ፡ ዘኮነ ሰብኣ በእንተ መድኃኒትነ፡ እምድኃረ ኮነ ሰብኣ ጥዩቀ ኣምላክ ፍጹም ዉእቱ፡ ወበእንተዝ ወለደቶ እንዘ ደንግል ይእቲ መንክር ኃይለ ወሊዶታ ዘኢይትነገር፡ ሰኣሊ ለነ ቅድስት።

2. እስመ በፈቃዱ ኣቡሁ፡ ወመንፈስ ቅዱስ መጽኣ ወኣድኃነነ። ዐቢይ ዉእቱ ስብሓተ ድንግልናኪ ኦ ማርያም ድንግል ፍጹምት፡ ረከብኪ ሞገሶ እግዚኣብሔር ምስሌኪ፡ ኣንቲ ዉእቱ ሰዋስዉ ዘርእዩ ያዕቆብ እምድር ዘይበጽሕ እስከ ሰማይ፡ ወመላዕክተ እግዚኣብሔር የዐርጉ ወይወርዱ ዉስቴታ፡ ሰኣሊ ለነ ቅድስት።

3. አንተ ውእቱ ዕጽ ዘርእየ መሴ በነደ እሳት ወኢትውኢ፣ ዘውእቱ ወልደ እግዚአብሔር መጽኣ ወኅደረ ውስተ ከርሥኪ፣ ወእሳተ መለኮቱ ኢያውዓየ ሥጋኪ፣ ሰኣሊ ለነ ቅድስት።

4. አንተ ውእቱ ገራህት ዘኢተዘርአ ዉስቴታ ዘርእ፣ ወዕኣ እምኔኪ ፍሬ ሕይወት፣ አንቲ ዉእቲ መዝገብ ዘተሣየጦ ዮሴፍ፣ ወረከበ በዉስቴታ ባሕርየ ዕንቄ ክብረ፣ ዘውእቱ መድኃኒነ ኢየሱስ ክርስቶስ ተፀዉረ በከርሥኪ ወወለድኪዮ ዉስተ ዓለም፣ ሰኣሊ ለነ ቅድስት።

5. ተፈሥሖ ኦ ወላዲተ እግዚእ ኃህዳቶሙ ለመለእክት፡ ተፈሥሖ ኦ ንጽሕት ዜናሆሙ ለነብያት፡ ተፈሥሖ እስመ ረከብኪ ሞገሶ እግዚአብሔር ምስሌኪ፡ ተፈሥሖ እስመ ተወከፍኪ ቃሎ ለመልአክ ፍስሐ ኩሉ ዓለም፡ ተፈሥሖ ኦ ወላዲተ ፈጣሬ ዓለም፡ ሰኣሊ ለነ ቅድስት።

6. ተፈሥሖ እስመ ደልወ ተሰመይኪ፡ ኦ ወላዲተ አምላክ፡ ተፈሥሖ ኦ መድኃኒታ ለሔዋን ተፈሥሖ እንተ አጥብውኪ ሓሊበ ለዘይሰስዮ ለኩሉ ፍጥረት፡ ተፈሥሖ ኦ ቅድስት እሞሙ ለኩሎሙ ሕያዋን፡ ናንቅዑዱ ኅቤኪ ትስኣሊ በእንቲኣነ ሰኣሊ ለነ ቅድስት።

7. አድንገል አቅድስት: ኦ ወለዲተ እግዚእ: እስመ ወለድኪ ለነ

ንጉሥ: መንክር ምሥጥር ኃደረ ላዕሌኪ ለመድኃኒተ ዚአነ።ናርምም

እስመ ኢንክል ፈጽሞ ጥዓቁቀ ነኒረ: በእንተ ዕበዩ ለዉእቱ ገባሬ

ሠናያት በብዙኃ መንክሩ ራእይ: ሰአሊ ለነ ቅድስት።

8. ቃለ አብ ሕያዉ ዘወረደ ዉስተ ደብረ ሲና ወወሀበ ሕገ ለሙሴ:

ወከደነ ርእሰ ደብር በጊሜ ዉጢስ ወጽልመት ወነፍስ: ወበድምፀ

ቃለ አቅርንት ይንሥፀ ለእለ ይቀዉሙ በፍርሃት: ሰአሊ ለነ ቅድስት።

9. ዉእቱ ኪ ዘወረደ ኅቤኪ፡ ኦ ደብር ነባቢት በትሕትና

መፍቀሬ ሰብእ፡ ተሰብኦ እምኔኪ ዘእንበለ ዉላጤ ፍጹመ
ሥጋ ነባቢ ዘከማነ፡ በመንፈሶ ጥበብ ኣምላክ ኃደረ ላዕሌሃ፡
ኮነ ፍጹመ ሰብኦ ከመ ያድኅኖ ወይሥረይ ኃጢአቶ ለኣዳም፡
ወያንብሮ ዉስተ ሰማያት ወያግብኦ ኅብ ዘትካት መንበሩ፡
በዕበይ ሣህሉ ወምሕረቱ። ሰኣሊ ለነ ቅድስት።

10. ዕብያ ለድንግል ኢይትከሃል ለተነግሮ እስመ እግዚእ ኃረያ፡ መጽአ ወኃደረ ላዕሌሃ ዘየኃድር ዉስተ ብርሃን ኅብ አልቦ ዘይቀርቦ ተፀዉረ በከርህ ህተ አዉራኃ ዘኢይትረአይ ወዘኢትዓወቅ ወለደቶ ማርያም እንዘ ድንግል ይእቲ፡ ሰአሊ ለነ ቅድስት።

11. ዘዉእቱ እብን ዘርእዮ ዳኒኤል ነብይ፡ ዘተቦትከ እምደብር ነዋኅ ዘእንበለ፡ እድ፡ ዘዉእቱ ቃል ዘወፅአ እምሓቦ ኣብ መጽአ ወተሰብአ እምድንግል ዘእንበለ ዘርአ ብእሲ ወኣድኃነነ፡ ሰአሊ ለነ ቅድስት።

12. ከንኪ ዓፀቀ ንዱሐ ወመዳዖ አሚን፡ ርትዕት ሃይማኖቶሙ

ለቅዱሳን አበዊነ፡ ኦ ንጽሕት ወላዲተ አምላክ ድንግል
ኅትምት ወለድኪ ለነ ቃለአብ ኢየሱስ ክርስቶስ መጽአ
ለመድኃኒትነ፡ ሰአሊ ለነ ቅድስት።

13. አንቲ እሙ ለብርሃን ክብርት ወላዲት እግዚእ እንተ ፃርኪያ

ለቃል ዘኢይትረአይ፡ እምድጎረ ወለድኪ ኪያሁ ነበርኪ
በድንግልና፡ በስብሐት ወበባርኮት ያዑብዩኪ፡ ሰአሊ ለነ ቅድስት።

14. አይ ልሳን ዘይክል ነቢዩ ዘይትነገር በእንቲኣኪ ኦ ድንግል ንጽሕት እሙ ለቃለ ኣብ ኮንኪ መንበሮ ለንጉሥ ለዘይፀዉርዎ ኪሩቤል፡ ናስተበፅዐኪ ኦ ቡርክት፡ወንዘክር ስመኪ በኩሉ ትዉልደ ትዉልድ ኦ ርግብ ሠናይት እሙ ለእግዚእነ ኢየሱስ ክርስቶስ፡ ሰኣሊ ለነ ቅድስት።

15. ተፈሥሲ ኦ ማርያም እም ወኣመት፡ እስመ ለዘዉስተ ሕፅንኪ ይሰብሕዎ መላእክት ወኪሩቤል ይሰግዳ ሎቱ በፍርሃት፡ ወሱራፌል ዘእንበለ ጽርዓት ይሰፍክ ክነፈሆሙ ወይብሉ፡ ዝንቱ ዉእቱ ንጉሠ ስብሐት መጽኣ ይሥረይ ኃጢአተ ዓለም በዕበዩ ሣህሉ ፡ ሰኣሊ ለነ ቅድስት።



ዉዳሴ ማርያም ዘረቡዕ



ዉዳሴሃ : ለእግዚእትነ : ማርያም : ድንግል : ወላዲተ : ኣምላክ : ዘይትነበብ :
በዕለተ : ረቡዕ።

1. ኩሉ : ሠራዊተ : ሰማያት : ይብሉ : ብፅዕት : ኣንቲ : ሰማይ : ዳግሚት : ዲበ
: ምድር : ኅኅተ : ምሥራቅ : ማርያም : ድንግል : ከብካብ : ንዴሕ : ወመርዓ :
ቅዱስ። ነጻረ : ኣብ : እምሰማይ : ወኢረከበ : ዘከማኪ : ፈነወ : ዋሕዶ :
ወተሰብኣ : እምኔኪ : ሰኣሊ : ለነ : ቅድስት።

2. ኩሉ : ትዉልድ : ያስተበፅዑኪ : ለኪ : ለባሕቲትኪ : ኦ : እግዚእትነ :
ወላዲተ : ኣምላክ።

ተነበዩ ፡ ላዕሌኪ ፡ ዐቢያተ ፡ ወመንክራተ ፡ ኦ ፡ ሀገረ ፡ እግዚአብሔር ፡
እስከ ፡ ኮንኪ ፡ አንቲ ፡ ማኅደረ ፡ ለፍሡሐን ፡ ኩሎሙ ፡ ነገሥተ ፡
ምድር ፡ የሐዉሩ ፡ በብርሃንኪ ፡ ወአሕዛብኒ ፡ በፀዳልኪ ፡ ኦ ፡
ማርያም ፡ ኩሉ ፡ ትዉልድ ፡ ያስተበፀዑኪ ፡ ወይሰግዱ ፡ ለዘተወልደ
፡ እምኔኪ ፡ ወያዐብይዎ። ሰአሊ ለነ ቅድስት።

**3. አንቲ ፡ ዘበአማን ፡ ደመና ፡ እንተ ፡ አስተርአይኪ ፡ ለነ ፡ ማየ ፡
ዝናም ፡ ትእምርተ ፡ ዋሕዱ ፡ ረሰየኪ ፡ አብ ፡ መንፈስ ፡ ቅዱስ ፡
ኃደረ ፡ ላዕሌኪ ፡ ወኃይለ ፡ ልዑል ፡ ጸለለኪ ፡ ኦ ፡ ማርያም ፡ አማን
፡ ወልድኪ ፡ ቃለ ፡ ወልደ ፡**

- ኣብ : ዘይነብር : ለዓለም : መጽኦ : ወኣድኃነነ : እምኃጢኣት :
ዓብይ : ዉእቱ : ክብር : ዘተዉህበ : ለክ : ኦ : ገብርኤል : መልክክ :
ዜናዊ : ፍሡሐ : ገጽ : ሰበክ : ለነ : ልደተ : እግዚእ : ዘመጽኦ :
ኃቤነ : ወኣብሠርካ : ለማርያም : ድንግል : ዘእንበለ : ርስሐት :
ወትቤላ : ተፈሥሒ : ኦ : ምልእተ : ጸጋ : እግዚኣብሔር ምስሌኪ ::
ሰኣሊ ለነ ቅድስት ::

4. ረክብኪ : ፀጋ : መንፈስ : ቅዱስ : ኃደረ : ላዕሌኪ : ወኃይለ :
ልዑል : ጸለለኪ : ኦ : ማርያም : ኣማን : ወለኪ : ቅዱስ : መድሓኑ
: ለኩሉ : ዓለም : መጽኦ : ወኣድኃነነ :: ሰኣሊ ለነ ቅድስት ::

5. ግብረ : ድንግል : ይሴብሕ : ልሳንን : ዮም : ንወድሳ : ለ
ማርያም : ወላዲተ : አምላክ : በእንተ : ዘተወልደ : እምኔሃ
: በሀገረ : ዳዊት : እግዚእን : ወመድኃኒን : ኢየሱስ :
ክርስቶስ : ንዑ : ኩልክሙ : ኣሕዛብ : ናስተብፅዓ :
ለማርያም : እስመ : ኮነት : እመ : ድንግል : ወፅሙረ :
ተፈሥሒ : ኦ : ድንግል : ንጽሕት : እንተ : ኣልባቲ : ርኩስ
: ዘመጽኦ : ቃለ : ኣብ : ወተሰብኦ : እምኔሃ::

- ተፈሥሒ : ኦ : መዳይ : እንተ : አልቦቲ : ነዉር : ፍጽምት :
Hአልባ : ርስሐት:: ተፈሥሒ : ኦ : ገነት : ነባቢት : ማኅደሩ
: ለክርስቶስ : ዘኮነ : ዳግማይ : ኣዳም : በእንተ : ኣዳም :
ቅዳሚ : ብእሲ : ተፈሥሒ : ኦ : ፀዋሪቱ : ለዋሕድ : ለዘኢ
ተፈልጦ : እምኅፀነ : ኣቡሁ : ተፈሥሒ : ኦ : ከብካብ :
ንዱሕ : ሥርግዉ : በኩሉ : ሥነ : ስብሐት : መጽኣ :
ወተሰብኣ : እምኔኪ : ተፈሥሒ : ኦ : ዕፀ : ጳጦስ : እንተ :
ኢያዉዓያ : እሳተ መለኮት :

- ተፈሥሒ ፡ ኦ ፡ አመት፡ ወእም ፡ ድንግል ፡ ወሰማይ ፡ ሰማያዊ
፡ እንተ ፡ ፆረት ፡ በሥጋ ፡ ዘይዔዐን ፡ ዲበ ፡ ኩሩቤል ፡
ወበእንተዝ ፡ ንትፈሣሕ ፡ ወንዘምር ፡ ምስለ ፡ መላእክት ፡
ቅዱሳን ፡ በፍሥጎ ፡ ወበኃሣት ፡ ወንበል ፡ ስብሐት ፡
ለእግዚአብሔር ፡ በሰማያት ፡ ወሰላም ፡ በምድር ፡ ሥምረቱ
፡ ለሰብእ ፡ እስመ ፡ ኪያኪ ፡ ሠምረ ፡ ዘሎቱ ፡ ክብር ፡
ወስብሐት። ሰአሊ ለነ ቅድስት።

6. የዐቢ : ከብረ : ለማርያም : እምኩሎሙ : ቅዱሳን : እስመ :
ድልወ : ኮነት : ለተወክሎ : ቃለ : አብ : ዘይፈርህዎ : መላእክት :
ወየአኩትዎ : ትጉሃን : በሰማያት : ጸረቶ : ማርያም : ድንግል :
በከርሃ : ይእቲ : ተዐቢ : እምኪሩቤል : ወትፈደፍድ : እምሱራፌል
: እስመ : ኮነት : ታቦት : ለአኃዱ : ዘእምቅድስት : ሥላሴ ዛቲ :
ይእቲ : ኢየሩሳሌም : ሀገሮሙ : ለነብያት : ወማኅደረ :
ፍሥሐሆሙ : ለኩሎሙ : ቅዱሳን : ሕዝብ : ዘይነብር : ዉስተ :
ጽልመት : ወጽላሎተ : ሞት : ብርሃን : ዐቢይ : ሰረቀ : ለዕሌኖሙ

- እግዚአብሔር ፡ ዘየዐርፍ ፡ በቅዱሳኒሁ ፡ ተሰብኦ ፡ እምድንግል ፡
ለመድኃኒተ ፡ ዚኣነ ፡ ንዑ ፡ ርእዩ ፡ ዘንተ ፡ መንክረ ፡ ወዘምሮ ፡
ዘምሩ ፡ በእንተ ፡ ምሥጢር ፡ ዘተከሥተ ፡ ለነ ፡ እስመ ፡
ዘኢይቶሰባእ ፡ ተሰብኦ ፡ ቃል ፡ ተደመረ ፡ ወዘኣልቦ ፡ ጥንቶ ፡ ኮነ ፡
ቅድመ ፡ ወለዘኣልቦ ፡ መዋዕል ፡ ኮነ ፡ ሎቱ ፡ መዋዕል ፡
ዘኢይቶዐወቅ ፡ ተከስተ ፡ ወኢይቶረኣይ ፡ ተራእየ ፡ ወልደ ፡
እግዚአብሔር ፡ ሕያዉ ፡ ጥዩቀ ፡ ኮነ ፡ ሰብኦ ፡ ኢየሱስ ፡ ክርስቶስ ፡
ዘትግልም ፡ ወዮም ፡ ወክመ ፡

ዉእቱ ፡ እስከ ፡ ለዓለም። ኣሓዲ ፡ ህላዌ ፡ ሎቱ ፡ ንስግድ
፡ ወንሰብሕ ፡ ሰኣሊ ለነ ቅድስት።

7. ሕዝቅኤል ፡ ነቢይ ፡ ኮነ ፡ ስምዐ ፡ በእንቲኣሃ ፡ ወይቤ
፡ ርኢኩ ፡ ኖህተ፡ በምስራቅ ፡ ጎቱም ፡ በዐቢይ ፡
መንክር ፡ ማህተም ፡ ኣልቦ ፡ ዘቦኣ ፡ ዘእንበለ ፡ እግዚኣ
፡ ኃያላን ፡ ቦኣ ፡ ዉስቴታ ፡ ወወፅኣ ፡ ሰኣሊ ለነ
ቅድስት።

8. ኖገትሰ : ድንግል : ደእቲ : እንተ : ወለደት : ለነ : መድኅነ :

እምድኅረ : ወለደት : ኪያሁ : ነበረት : በድንግልና : ከመ : ትካት።

ቡሩክ : ዉእቱ : ፍሬ : ከርሥኪ : ኦ : ወለዲተ : እግዚእ : ዘመድኦ :

ወአድኃነነ እምእደ ጸላኢ ዘአልቦ ምሕረት፡ አንቲ : ፍጽምት : ወቡርክት :

ረከብኪ : ሞገሰ : በኅቦ : ንጉሠ : ስብሐት : አምላክ : ዘበአማን : ለኪ :

ይደሉ : ዕበይ : ወክብር : እምኩሎሙ : እለ : ይነብሩ : ዲቦ : ምድር :

ቃለ : አብ : መድኦ : ወተሰብኦ : እምኔኪ : ወአንሶሰወ : ምስለ : ሰብእ

:: እስመ : መሐሪ : ዉእቱ : ወመፍቀሬ : ሰብእ : አድኃነ : ነፍሳቲነ :

በምድኦቱ : ቅዱስ : ሰአሊ ለነ ቅድስት።



ዉዳሴ ማርያም ዘኃሙስ



† ዉዳሴሃ ለእግዝእትን ማርያም ድንግል ወላዲተ አምላክ ዘይትነበብ በዕለተ ኃሙስ።

1. ዕፀ እንተ ርእዮ ሙሴ በነደ እሳት ዉስተ ገዳም ወአዕፀቂሃ

ኢትዉዲ፡ ትመስል ማርያም ድንግል ዘእንበለ ርኩስ ተሰብአ እምነሃ ቃለ አብ፡ ወኢያዉዐያ እሳተ መለኮቱ ለድንግል፡ እምድጎረ ወለደቶ ድንግልናሃ ተረክበ፡ ወመለኮቱ ኢተወለጠ ኮነ ወልደ ዕጓለ እመሕያዉ አምላክ ዘበአማን መጽአ ወአድኃነነ፡ ሰአሊ ለነ ቅድስት።

2. ናዑብዮኪ ኩልነ ኦ እግዝእትነ ወላዲተ ኦምላክ እስመ ሣህልኪ ይኩን ላዕላ ኩልነ። ትምክሕተ ኩልነ ድንግል ማርያም ወላዲተ ኦምላክ ዘበእንቲአሃ ተሥዕረ ዘቀዳሚ መርገም እንተ ኃደረት ዲበ ዘመድነ፡ በዕልወት ዘገብረት ብእሲት በልዐት እምዕፅ፡ በእንተ ሔዋን ተዐፅወ ኅኅተ ገነት፡ ወበእንተ ማርያም ድንግል ተርጎወ ለነ ዳግመ፡ ከፈለነ ንብላዕ እምዕፅ ሕይወት፡ ዘዉእቱ ሥጋሁ ለክርስቶስ ወደሙ ክቡር፡ በእንተ ፍቅረ ዚአነ መፅአ ወአድኃነነ፡ አይ ልቡና፡ ወአይ ነቢብ፡ ወአይ ሰሚዕ፡ ዘይክል አእምሮ ዝንቱ ምሥጢር መንክራተ ዘይትነበብ ላዕሌሃ፡ እግዚአብሔር መፍቀሬ ሰብእ

- ፩ዱ ዉእቱ ባሕቲቱ ቃለ ኣብ ዘሀሎ እምቅድመ ዓለም በመለኮቱ፡
እንበለ ሙስና እም፩ዱ ኣብ መጽአ ወተሰብአ ወልድ ዋሕድ
እምቅድስት እሙ፡ እምድኅረ ወለደቶ ኢማሰነ ድንግልናሃ፡
ወበእንተዝ ግህደ ኮነት ከመ ወለዲተ ኣምለክ ይእቲ፡ ኦ ሰሙቅ ብዕለ
ጥበቡ ለእግዘአብሔር ከርሥ ዘፈትሐ ላዕሌሃ ትለድ በፃዕር ወሕማም
ወኃዘነ ልብ፡ወኮነት ፈልፈለ ሕይወት ወወለደት ዘእንበለ ዘርአ ብእሲ
ዘይስዕር መርገመ እምዘመድነ። ወበእንተዝ ንሰብሖ እንዘ ንብል
ስብሐት ለከ ኦ መፍቀሬ ሰብእ ኄር ወመድኃኔ ነፍሳቲነ፡ ሰአሊ ለነ
ቅድስት።

3. አዝመንከር ወዕፁብ ኃይለ ከርሃ ለድንግል ወላዲተ አምላክ

ዘእንበለ ዘርእ ስምዐ ኮነ መልአክ ዘአስተርአዮ ለዮሶፍ እንዘ ይብል

ከመዝ፡ እስመ ዘይቅወለድ እምኔሃ እመንፈስ ቅዱስ ቃለ

እግዚአብሔር ዉእቱ ተሰብኦ ዘእንበለ ዉላጤ፡ ወለደቶ ማርያም

ምክሶቢተ ዝንቱ ፍሥኃ፡ ወይቤ ቅወልዲ ወልደ ወይሶመይ

አማኑኤል ዘበቅርጓሜሁ እግዚአብሔር ምስሌነ፡ ወዓዲ ይሶመይ

ኢየሱስሃ ዘያድኅኖሙ ለሕዝቡ እምኃጢአቶሙ ያድኅነነ በኃይሉ

ወይሥረይ ኃቅጥያተነ እስመ ጥዩቀ አእመርናሁ ከመ አምላክ ዉእቱ፡

- ዘኮነ ሰብኦ ሎቱ ስብሐት እስከ ለዓለም፡ ኦዝ መንክር ልደተ ኦምላክ እማርያም እምቅድስት ድንግል፡ ኦግመረቶ ለቃል ኢቀደሞ ዘርእ ለልደቱ ወኢኦማሰነ በልደቱ ድንግልናሃ፡ እምኅበ ኦብ ወፅኦ ቃል ዘእንበለ ድካም፡ ወእምድንግል ተወልደ ዘእንበለ ሕማም፡ ሎቱ ሰገዱ ሰብኦ ሰገል፡ ኦምድኡ ዕጣነ ከመ ኦምላክ ዉእቱ፡ ወርቀ እስመ ንጉሥ ዉእቱ፡ ወከርቤ ዘይትወሀብ ለሞቱ ማሕዋዊ በእንቲኣነ ተወክፈ በፈቃዱ፡ ኦሀዱ ዉእቱ በሕቲቱ ኄር ወመፍቀሬ ሰብእ፡ ሰኣሊ ለነ ቅድስት።

4. አዝ መንከር ነሥኦ

አሐደ ዐፅመ እምገቦሁ ለአዳም ወለሐኩ እምኔሁ

ብእሲተ ወኩሎ ፍጥረተ ዕዳለ እመሕያወ፡ ተዉህበ እግዚእ ቃለ አብ ተሰብአ
እምቅድስት ድንግል ወተሰምየ አማኑኤል ወበእንተዝ ንስኣል ኅቤሃ ኩሎ ጊዜ ከመ
ታስተሥሪ በእንቲአነ ኅበ ፍቁር ወልዳ፡ ኄርት ይእቲ በኅበ ኩሎሙ ቅዱሳን
ወሊቃነ ጳጳሳት እስመ አምጽአት ሎሙ ዘኪያሁ ይጸንቡ፡ ወለነብያትኒ አምጽአት
ሎሙ ለዘበእንቲአሁ ተነበዩ፡ ወለሐዋርያትኒ ወለደት ሎሙ ዘሰበኩ በስመ ዉስተ
ኩሎ አጽናፈ ዓለም፡ ለሰማዕት ወለመሃይምናን ወፅኦ እምኔሃ ዘተጋደሉ በእንቲአሁ
ክርስቶስ ብዕለ ጸጋ ጥበቡ ዘኢይትዐወቅ፡ንጎሥሥ ዕበየ ሣህሉ መጽኦ ወአድኃነነ፡
ሰኣሊ ለነ ቅድስት።

5. መሐለ እግዚአብሔር ለዳዊት በጽድቅ ወኪይነት:

እስመ እምፍሬ ከርሥክ አነብር ዲበ መንበርከ፡ወሶበ

ተወክፎ ዉእቱ ዳድቅ ከመ እምነሁ ይትወለድ

ክርስቶስ በሥጋ፡ ፈቀደ ይኅሥሥ ወይርከብ ማኅደሮ

ዘእግዚአብሔር ቃል ወፈጸመ ዘንተ በዐቢይ ትጋህ፡

ወእምዝ ዳርሐ በመንፈስ ወይቤ፡ ናሁ ሰማዕናሁ

በኤፍራታ ወማኅደሮ ለአምላክ ያዕቆብ፡

- እንተ ይእቲ ቤተልሔም ዘጎረዖ አማኑኤል ይትወለድ ዉስቴታ
በሥጋ ለመድኃኒተ ዚአነ፡ ካዕበ ይቤላ ካልእ እምነብያት
ወአንቲኒ ቤተልሔም ምድረ ኤፍራታ ኢትቴሐቲ እምነገሥተ
ይሁዳ፡ እስመ እምኔኪ ይወፀእ ንጉሥ ዘይርዕዮሙ ለሕዝብዩ
እስራኤል፡ አዝ ነገር ለእሉ እለ ተነበዩ ዘበአ፩ዱ መንፈስ
በእንተ ክርስቶስ ሎቱ ስብሐት፡ ምስለ ኄር አቡሁ፡ ወመንፈስ
ቅዱስ እምይእዜ ወእስከ ለዓለም፡ ሰአሊ ለነ ቅድስት።

6. ዳዊት ዘነግሠ ለእስራኤል አመ ይቅነሥኡ ላዕሌሁ ዕልዋን።

ፈትወ ይስተይ ማየ እምዓዘቅተ ቤተልሔም፡ ፍጡነ ተንሥኡ
መላሕቅተ ሐራሁ ወተቃተሉ በዉስተ ትዕይንተ ዕልዋን፡ ወአምጽኡ
ሎቱ ዉእተ ማየ ዘፈተወ ይስተይ፡ ወሶበ ርእየ ዉእቱ ጻድቅ ከመ
አጥብዑ ወመጠዉ ነፍሶሙ ለቀቅል በእንቲ አሁ፡ ከዐወ ዉእተ ማየ
ወኢሶቅየ እምኔሁ፡ ወእምዝ ተኼለቄ ሎቱ ጻድቅ እስከ ለዓለም፡
አማን መነኑ ሰማዕት ጣዕማ ለዘ ዓለም ወከዓዉ ደሞሙ በእንተ
እግዚአብሔር ወተዐገሡ ሞተ መሪረ በእንተ መንግሥተ ሰማያት፡

- ተሣሃለን በከመ ዕባዩ ሣህልከ፡ ሰአሊ ለን ቅድስት።

7. አሐዱ ዘእምቅድስት ሥላሴ፤ ርእዮ ትሕትናን አጽነን

ሰማዩ ሰማያት፡ መጽአ ወንደረ ዉስተ ከርሠ ድንግል፡

ወኮነ ሰብአ ከማን ዘእንበለ ኃጢአት ባህቲታ፡ ወተወልደ

በቤተ ልሔም በከመ ሰብኩ ነቢያት፡ አድኃነን ወቤዘወን

ወረሰዩን ሕዝብ ዚአሁ፡ ሰአሊ ለን ቅድስት።



ዉዳሴ ማርያም ዘዓርብ



ዉዳሴሃ ለእግዚእትን ማርያም ድንግል ወላዲተ አምላክ ዘይትነበብ
በዕለተ ዓርብ።

1. ቡርክት አንቲ እምአንስት ወቡሩክ ፍሬ ከርሥኪ፡ ኦ ማርያም
ድንግል ወላዲተ አምላክ ዘእንበለ ርኩስ ሠረቀ ለነ እምኔኪ ፀሐዩ
ጽድቅ፡ ወአቅረበነ ታሕተ ክነፍሁ እስመ ዉእቱ ፈጠረነ፡ ሰአሊ ለነ
ቅድስት።

2. ለኪ ለበሕቲትኪ ኦ እግዚእትን ወላዲተ አምላክ እመ ብርሃን አንቲ
ናዑብዩኪ በስብሐት ወበዉዳሴ።

- ቡርክት አንቲ ተዐቢዪ እምሰማይ ወትኩብርይ እምድር ወላዕለ ኩሉ ሕሊናት፡ መኑ ዘይክል ነቢቦ ዕበዩኪ፡ ወአልቦ ዘይመስል ኪያኪ፡ ኦ ማርያም መላእክት ያዐብዩኪ ወሱራፌል ይሴብክኪ፡ እስመ ዘይነብር ዲቦ ኪሩቤል ወሱራፌል መጽአ ወጎደረ ዉስተ ከርሥኪ፡ መፍቀሬ ሰብእ ኦቅረባነ ንቤሁ፡ ዘዚአነ ሞተ ነሥአ ወእንቲአሁ ሕይወተ ወሀባነ፡ ዘሎቱ ክብር ወስብሐት፡ ሰአሊ ለነ ቅድስት።

3. በብርክት አንቲ ማርያም ወቡሩክ ፍሬ ከርሥኪ ኦ ድንግል ወላዲተ አምላክ ምክሉን ለደናግል፡ ዘእምቅድመ ዓለም ህልዉ ተሰብአ እምኔኪ ብሉዩ መዋዕል ወፅኦ እምከርስኪ ሥጋነ ነሥኦ ወመንፈሶ ቅዱሶ ሀቤነ፡ ወረሰዩነ ዕሩዩነ ምስሌሁ በብዝኃ ኂሩቱ፡ አንቲ ተዐቢዪ እምብዙኃት አንስት እለ ነሥኦ ጸጋ ወክብረ፡ ኦ ማርያም ወላዲተ አምላክ ሀገር መንፈሳዊት ዘገደረ ላዕሌሃ እግዚአብሔር ልዑል፡ እስመ ዘይነብር ዲበ ኪሩቤል ወሱራፌል በእራኅኪ ሐቀፍኪዮ፡ ወዘይሴሲ ለኩሉ ዘሥጋ በብዝኃ ኂሩቱ አንዘ አጥባተኪ ወጠበወ ሕሊባ፡ ዘዉእቱ አምላክነ መድኃኔ ኩሉ ይርዕዩነ እስከ ለዓለም፡ ንስግድ ሎቱ ወንሰብሐ እስመ ዉእቱ ፈጠረነ፡ ሰአሊለነ ቅድስት።

4. ማርያም ድንግል ሙዳዎ ዕፍረት ነቅዕ ፈልፈለ ማዎ

ሕይወት፡ፍሬ ከርሃ አድኃነ ኩሎ ዓለመ ወሠዐረ እምነነ
መርገመ፡ ወገብረ ሰለመ ማእከሌነ በመስቀሉ ወበትንሣኤሁ
ቅድስት፡ አግብኦ ለብእሲ ዳግመ ዉስተ ገነት፡ ሰአሊለነ ቅድስት።

5. ማርያም ንጽሕት ድንግል ወላዲተ አምላክ ማእምንት፡

ሰአሊተ ምሕረት ለዉሉደ ሰብእ ሰአሊ ለነ ንበ ክርስቶስ
ወልድኪ ይሥረይ ኃጢአተነ፡ ሰአሊ ለነ ቅድስት።

6. ማርያም ድንግል ትጻርሕ በቤተ መቅደስ ወትብል የአምር

እግዚአብሔር ከመ አልብዩ ዘአአምር ባዕደ ወኢምንትኒ ዘእንበለ
ድምፀ ቃሉ ለመልእክ ዘአብሠረኒ በክብር፡ ወይበለኒ ሰላም ለኪ ኦ
ቅድስት ድንግል፡ ፆርኪ ዘኢይትፀወር፡ አግመርኪ ዘይትገመር
ወአልቦ ዘያገምሮ ምንትኒ፡ ይበዝኅ ዉዳሴኪ ኦ ምልእተ ጸጋ በኩሉ
ክብር፡ እስመ ኮንኪ አንቲ ማሕደረ ቃለ አብ፡አንቲ ዉእቱ
መንጦላዕት ስፍህት እንተ ታስተጋብአሙ ለመሃይምናን ሕዝብ
ክርስቲያን ወትሜህሮሙ ሰጊደ ለሥሉስ ማሕየዊ፡

- አንቲ ዉእቱ ዘፆርኪ ዓምደ እሳት ዘርእየ ሙሴ ዘዉእቱ ወልደ እግዚአብሔር መጽአ ወኅደረ ዉስተ ከርሥኪ፡ ኮንኪ ታቦቶ ለፈጣሬ ሰማያት ወምድር፡ ፆርኪዮ በከርሥኪ ህተ አዉራኃ፡ አንቲ ማእምንት ለዘኢያገምርዎ ሰማያት ወምድር፡ ኮንኪ ተንከተመ ለዕርገት ዉስተ ሰማይ፡ ብርሃንኪ የዐቢ እምብርሃነ ፀሐይ፡ አንቲ ዉእቱ ምስራቅ ዘወፀአ እምኔኪ ኮከብ ብሩህ ዘነፀርዎ ቅድሳን በፍሥሓ ወበኃሤት፡

- ዘፈትሐ ላዕላ ሔዋን ትለድ በፃዕር ወሕማም፡ አንቲሰ ማርያም ሰማዕኪ ዘይብል ተፈሥሒ ኦ ምልእተ ዳጋ፡ ወለድኪ ለነ ንጉሠ እግዚአ ኩሉ ፍጥረት መጽአ ወአድኅነነ መሐሪ ዉእቱ ወመፍቀሬ ሰብእ፡ በእንተዝ ንዌድሰኪ በከመ ንብርኤል መልአክ እንዘ ንብል፡ ቡርክት አንቲ ማርያም ወቡሩክ ፍሬ ከርሥኪ ተፈሥሒ ኦ ምልእተ ዳጋ እግዚአብሔር ምስሌኪ ሰአሊ ለነ ቅድስት።



ዉዳሴ ማርያም ዘቀዳሚት ሰንበት



ዉዳሴሃ ለእግዚእትነ ማርያም ድንግል ወላዲተ አምላክ

ዘትነበብ በዕለተ ቀዳሚት ሰንበት።

1. ንጽሕት ወብርሕት ወቅድስት በኩሉ እንተ ሐቀፈቶ ለእግዚእ በእራኃ ወኩሉ ፍጥረት ይትፌሥቱ ምስሌሃ እንዘ ይጸርቱ ወይብሉ፡ ሰአሊሊን ቅድስት።
2. ተፈሲሒ ኦ ምልእተ ጸጋ፡ ተፈሥሒ እስመ ረከብኪ ሞገሶ፡ ተፈሥሒ እግዚአብሔር ምስሌኪ። ናስተበፀዕ ዕበዩኪ ኦ ግርምት ድንግል፡ ወንፌኑ ለኪ ፍሥሐ ምስለ ገብርኤል መልአክ፡ እስመ እምፍሬ ከርሥኪ ኮነ መድኃኒተ ዘመድነ፡ ወአቅረበነ ኅበ እግዚአብሔር አቡሁ፡ ሰአሊ ለን ቅድስት።

3. ከመ ከብካብ ዘአልቦ ጥልቀት፡ መንፈስ ቅዱስ ኅደረ ላዕሌኪ ወኃይለ ልዑል ጸለለኪ፡ ኦ ማርያም አማን ወለድኪ ቃለ ወልደ አብ ዘይነብር ለዓለም መጽአ ወአድኅነነ እምኃጢአት፡ ሰአሊ ለነ ቅድስት።

4. አንቲ ወእቱ ዘመድ ዘእምሥርወ ዳዊት ወለድኪ ለነ በሥጋ መድኃኒነ ኢየሱስ ክርስቶስ፡ ዋሕድ ቃል ዘእምአብ ዘእምቅድመ ዓለም ህቡዕ፡ ኅብአ ርእሶ ወነሥአ እምኔኪ አርአያ ገብር፡ ሰአሊ ለነ ቅድስት።

5. ኮንኪ ዳግሚተ ሰማይ ዲበ ምድር ኦ ወለዲተ አምላክ ዘእንበለ ርኩስ፡
ሠረቀ ለነ እምኔኪ ፀሐዩ ጽድቅ፡ ወወለድኪዮ በከመ ትንቢት ነቢያት
ዘእንበለ ዘርእ ወኢሙስና፡ ሰአሊ ለነ ቅድስት።

6. አንቲ ዉእቱ ደብተሪ እንተ ተሰመይኪ ቅድስተ ቅዱሳን፡ ወወስቴታ
ታቦት በወርቅ ልቡጥ እምኩለሄ ወወስቴታ ጽላተ ኪዳን ወመሶበ ወርቅ
እንተ መና ኅቡእ፡ ዘዉእቱ ወልደ እግዚአብሔር መጽአ ወኅደረ ኅበ
ማርያም ድንግል፡ ዘእንበለ ርኩስ ተሰብአ እምኔሃ ቃለ አብ ወወለደቶ
ዉስተ ዓለም ለንጉሠ ስብሐት፡ መጽአ ወአድኅነነ፡ ትትፌሣሕ ገነት እመ
በግዕ ነባቢ፡ ወልደ አብ ዘይነብር ለዓለም፡ መጽአ ወአድኅነነ እም
ኃጢአት፡ ሰአሊ ለነ ቅድስት።

7. ተሰመዶኪ እመ ለክርስቶስ ንጉስ፡ እምድጎረ ወለድኪ ኪያሁ ነበርኪ በድንግልና በመንክር ምሥጢር ወወለድኪዮ ለአማኑኤል፡ ወበእንተዝ ዐቀበኪ እንበለ ሙስና፡ ሰአሊ ለነ ቅድስት።

8. አንቲ ዉእቱ ሰዋስዉ ዘርእዮ ያዕቆብ እግዚአብሔር ላዕሌሁ እስመ ያርኪ በከርሥኪ ኅቱም ዘኢይቶዓወቅ እምኩለሄ፡ ኮንኪ ለነ ሰአሊተ ኅበ እግዚእነ ኢየሱስ ክርስቶስ ዘተሰብአ እምኔኪ በእንተ መድኃኒትነ፡ ሰአሊ ለነ ቅድስት።

9. ናሁ እግዚእ ወፅኦ እምኔኪ ኦ ቡርክት ጽርሕ ንጽህት፡ ያድግን ኩሎ

ዓለም ዘፈጠረ በዕባዩ ሣህሉ ንሰብሖ ወንወድሶ እስመ ዉእቱ ኄር

ወመፍቀሬ ሰብእ፡ ሰኣሊ ለነ ቅድስት።

10. ተፈሥሒ ኦ ምልእተ ጸጋ ድንግል ዘእንበለ ርኩስ ልሕኩት ንጽሕት

ክብረ ኩሉ ዓለም፡ ብርሃን ዘኢትጠፍእ፡ መቅደስ ዘኢትትነሠት፡

በትረ ሃይማኖት ዘኢትጸንን፡ ምስማኮሙ ለቅዱሳን፡ ሰኣሊ ለነ ኅበ

ወለድኪ ኄር መድኃኒነ ይምሐረነ ወይሣሃለነ ይሥረይ ኃጢአተነ፡

ሰኣሊ ለነ ቅድስት።



ዉዳሴ ማርያም ዘሰንበት ክርስቲያን ቅድስት



ዉዳሴሃ ለእግዛእትነ ማርያም ደንግል ወላዲተ አምላክ ዘይትነበብ በዕለተ ሰንበት ክርስቲያን ቅድስት።

1. ተሰመይኪ ፍቅርተ ኦ ቡርክት እምአንስት አንቲ ዉእቱ ዳግሚት ቀመር እንተ ተሰመይ ቅድስተ ቅዱሳን ወዉስቴታ ጽላተ ኪዳን፡፲ቱ ቃላት እለ ተጽሕፋ በአፃብዒሁ ለእግዚአብሔር ቀዲሙ ዜነወነ በየዉጣ እንተ ይእቲ ቀዳሜ ስሙ ለመድኃኒነ ኢየሱስ ክርስቶስ ዘተሰብአ እምኔኪ ዘእንበለ ዉላጤ፡ወኮነ ዓራቄ ለሐዲስ ኪዳን፡ በዉኒዘ ደሙ ቅዱስ አንጽሖሙ ለመሃይምናን ወለሕዝብ ንጹሐን፡ ሰአሊ ለነ ቅድስት።

- ወበእንተዝ ናዐብየኪ ኩልነ፡ ኦ እግዝእትነ ወላዲተ ኦምላክ ንጽሕት ኩሎ ጊዜ ንስእል ወናንቀዐዱ ኅቤኪ፡ ከመ ንርከብ ሣህለ በኅበ መፍቀሬ ሰብእ።

2. ታቦት በወርቅ ልቡጥ እምኩላሄ ዘግቡር እምዕፅ ዘኢይትቅዝ ይትሜሰል ለነ ዘእግዚአብሔር ቃለ ዘኮነ ሰብኦ ዘእንበለ ፍልጠት ወኢዉላጤ፡ መለኮት ንጹሕ ዘአልቦ ሙስና ዘዕሩይ ምስለ ኣብ ወቦቱ ኣብሠራ ለንጽሕት፡ ዘእንበለ ዘርእ ኮነ ከማነ በኪነ ጥበቡ ቅዱስ፡ ዘተሰብኦ እምነኪ ዘእንበለ ርኩስ፡ ደመረ መለኮቶ፡ ሰአሊ ለነ ቅድስት።

3. መቅደስ ዘይኬልልዎ ኪሩቤል እለ ሥዑላን በሥዕለ

እግዚአብሔር፡ ቃል ዘተሰብኦ እምኔኪ ኦ ንጽሕት
ዘእንበለ ዉላጤ ኮነ ሠራዩ ኃጥኣትነ ወደምሳሴ ኣበሳነ፡
ሰኣሊ ለነ ቅድስት።

4. ኣንተ ዉእቱ መሰበ ወርቅ ንፁሕ እንተ ዉስቴታ መና

ኅቡእ፡ ኅብስት ዘወረደ እምሰማያት ወሀቤ ሕይወት
ለኩሉ ዓለም፡ ሰኣሊ ለነ ቅድስት።

5. እንቲ ዉእቱ ተቅዋም ዘወርቅ እንተ ፆርኪ ማጎቶተ ፀዳል ኩሎ ጊዜ፡
ዘዉእቱ ብርሃኑ ለዓለም፡ ብርሃን ዘእምብርሃን ዘክልቦ ጥንት፡
አምላክ ዘእምአምላክ ዘበአማን፡ ዘተሰብአ እምኔኪ ዘእንበለ ዉላጤ፡
ወበምጽአቱ አብርሃ ላዕሌነ ለእለ ንነብር ዉስተ ጽልመት ወጽላሎቱ
ሞት፡ ወአርአትዐ እገሪነ ዉስተ ፍኖተ ሰላም በምሥጢረ ጥበቡ
ቅዱስ፡ ሰአሊ ለነ ቅድስት።

6. እንቲ ዉእቱ ማዕጠንት ዘወርቅ፡ እንተ ፆርኪ ፍሕመ እሳት፡ ብሩክ
ዘነሥአ እመቅደስ ዘይሠሪ ኃጢአተ ወይደመሰስ ጌጋዮ፡ ዝ ዉእቱ
ዘእግዚአብሔር

- ቃል ዘተሰብኦ እምነኪ ዘኣዕረገ ለኣቡሁ ርእሶ ዕጣነ ወመሥዋዕተ ሥሙረ፡ ሰኣሊ ለነ ቅድስት።

7. ተፈሥሒ ኦ ማርያም ርግብ ሠናይት፡ ዘወለድኪ ለነ ዘእግዚአብሔር ቃለ፡ ኣንቲ ዉእቱ ጽጌ መዓዘ ሠናይ እንተ ሠረጸት እምሥርወ ዕሤይ፡ ሰኣሊ ለነ ቅድስት።

8. በተረ ኣርን እንተ ሠረጸት ዘኢንበለ ተክል ወኢሠቀይዋ ማየ፡ ከማሃ ኣንቲኒ ኦ ወላዲተ ክርስቶስ ኣምላክነ ዘበኣማን ዘእንበለ ዘርእ መጽኦ ወኣድኅነነ፡ ሰኣሊ ለነ ቅድስት።

9. ለኪ ደደሐ ዘእምኩሎም ቅዱሳን ተስኣሊ ለነ ኦ ምልእተ ጸጋ ኣንቲ ተዐብዪ እምሊቃነ ጳጳሳት ወፈድፋድ ትከብሪ እምነቢያት ብኪ ግርማ ራእይ ዘየዐቢ እምግርማ ሱራፌል ወኪሩቤል፡ ኣንቲ በኣማን ምክሐ ዘመድነ ወሰኣሊት ሕይወተ ለነፍሳቲነ ሰኣሊ ለነ ንቦ እግዚእነ ወመድኃኒነ ኢየሱስ ክርስቶስ፡ ያፅንዐነ በርትዕት ሃይማኖት ዉስተ ኣሚነ ዚኣሁ፡ ይጸግወነ ሣህሎ ወምሕረቶ፡ ይሥረይ ኃጢአተነ በብዝኃ ምሕረቱ፡ ሰኣሊ ለነ ቅድስት።

➤ ወበእንተዝ ናዓብየኪ ኩልነ ኦ እግዝእትነ ወለዲተ ኦምላክ ንጽሕት ኩሎ ጊዜ፡ ንስእል ወናንቀዐዱ ኅቤኪ ከመ ንርከብ ሣህለ በኅበ መፍቀሬ ሰብእ። ጸሎታ ለማርያም ወስእለታ ያድኅነነ እመዓተ ወልዳ። ጸሎታ ለማርያም ወስእለታ ለርእሰ ሊቃነ ጳጳስነ እገሌይዕቀቦሙ እመዓተ ወልዳ። ጸሎታ ለማርያም ወስእለታ ለመፍቀሬ ኦምላክ እገሌ..... እዕቀቦሙ እመዓተ ወልዳ። ጸሎታ ለማርያም ወስእለታ ለሕዝበ ክርስቲያን ይዕቀቦም እብመዓተ ወልዳ። ጸሎታ ለማርያም ወስእለታ ለሀገረትነ ይዕቀባ እመዓተ ወልዳ።



አንቀጾ ብርሃን



1. ዉዳሴ ወግናይ ለእመ አደናይ: ቅድስት ወብፅዕት፡ ስብሕት ወቡርክት፡ ክብርት ወልዕልት ዐንቀጾ ብርሃን፡ መዓርገ ሕይወት ወማኅደረ መለኮት ቅድስተ ቅዱሳን፡ አንቲ ዉእቱ ኦ እግዚትነ ወላዲተ አምላክ ማርያም ድንግል፡ ተሰመይኪ ሥምረተ አብ ወማኅደረ ወልድ፡ ወምጽላለ ዘቅዱስ መንፈስ፡ ኦ ብርክት እምክሉ ፍጥረት፡ አንቲ ዉእቱ ህየንተ አርያም ዘበሰማያት ዘኮንኪ አርያመ በዲበ ምድር፡ ብኪ አስተማሰሉ ቅዱሳን ነቢያት፡ ካህናት ወነገሥት፡ ገብሩ ሉሙ ቅድስተ ቅዱሳን፡ ወዉስቴታ ጽላተ ኪዳን፡ ወልድኪ ሣህሎ ይክፍለነ፡ ሰአሊ ለነ ቅድስት።

2. በእንተ ተሠግዖቱ ለወልደ አምላክ እምነኪ፡ ውብኪ ቅሩባነ

ኮነ። ዐሠርቱ ቃላት እለ ተጽሕፋ በአፃብዒሁ ለእግዚአ ኩሉ
ፍጥረት፡ ኅደረ ወልደ አምላክ ለዕሌኪ አብ በየማኑ ከደነኪ
ወቅዱስ መንፈስ ጸለለኪ ወኃይለ ልዕል አጽንዐኪ፡ ወኢየሱስ
ለብስ ሥጋ ዚአኪ ከልሐ ወይቤ፡ ዘጸምአ ይምጻእ ኅቤየ
ወይሰተይ፡ በከመ ይቤ መጽሓፍ አፍላገ ማየ ሕይወት
ዘይዉኅዝ እምከርሡ፡ ወልድኪ ሣህሎ ይክፍለነ ሰአሊ ለነ
ቅድስት።

3. ቀዳሞ ዜነውን አብ በየውጣ እንተ ይእቲ ዐሠርቱ ቃላት እለ ተጽሕፋ በአፃብዒሁ ለእግዚአብሔር፡ ወመሀረነ ወልድከ እግዚእነ ወመድኃኒነ ኢየሱስ ክርስቶስ፡ ከመ አንተ ባሕቲትከ አቡሁ ሎቱ ወውእቱ ባሕቲቱ ወልድ ለከ፡ ከመዝ ነአምን ዘአልቦቱ እም በሰማያት፡ ወአብ በዲበ ምድር፡ ዘወረደ እምሰማያት እንዘ አልቦ ዘየአምር ምጽአቶ ዘእንበለ አቡሁ ባሕቲቱ ወዴራቅሊጦስ መንፈሶ ጽድቅ፡ ንደረ ዉስተ ከርሥኪ ወዳርኪዮ ተስዐተ አውራን፡ ተፈሥቶስ ሰማያት ወተኃሥዮት ምድር በልደቱ ለወልድኪ፤

- መልእክ ዜነወ ፍሥሐ ወሓራ ሰማይ ሰብክ እንደ ይብሉ "ስብሐት ለእግዚአብሔር በሰማያት፡ ወሰላም በምድር ለዕዳለ እመሕያዉ ሥምረቱ" ወኖሎት በቤተልሔም አንከሩ እምዘርእዩ ወሰምዑ፡ ሰብአ ሰገል ርእዮሙ ኮከበ መጽኑ እምርኑቅ ብሔር ከመ ይሰግዱ ለወልድኪ ወይግነዩ ለኪ፡ ውእቱ ኮከብ ዘመርሐሙ እምሥራቅ ወአብጽሐሙ እስከ ቤተልሔም ወቆመ መልዕልቴኪ ኅበ ሀሎኪ አንቲ ምስለ ሕፃንኪ፡ ወርእዮሙ እሙንቱ መሰግላን

- ተፈሥቱ ዐብዮ ፍሥሐ፡ ቦኡ ንቤሁ ወቆሙ ቅድሜሁ
ወወድቁ ዲባ ምድር ወሰገዱ ሎቱ፡ ወአርኅዉ መዘግብሆሙ።
ወአብኡ ሎቱ አምኅ ወርቀ፡ ከርቤ፡ ወስኒነ፡ ወይቤሉ አምኅ
አባእነ ለከ፡ ዕጣነ አቅረብነ ለከ፡ እምዚአከ ለክቡር ስምከ፡ ኦ
አምላክነ በእንተ ኃጢአተ ሕዝብከ ከመ ትቅወከፍ ስእለቶሙ
ወመሥዋዕቶሙ ዘመዳእከ ከመ ትሥረይ ሎሙ ኃጢአቶሙ፡
ወልድኪ ሣህሎ ይክፍለነ፡ ሰአሊ ለነ ቅድስት።

4. አንተ ዉእቱ ንጽሕት እምንዱሓን፡ድንግል ሕሩይ ዘነበርኪ ውስተ ቤተ መቅደስ

ከመ ታቦት ዘግቡር እምዕፅ ዘኢይነቅዝ፡ ሥርግዉ በወርቅ ንጡፍ ወልቡጥ
በዕንቋ ባሕርይ ዘየኃቱ ዘብዙጎ ሄጡ፡ከመዝ ነበርኪ ዉስተ ቤተ መቅደስ፡
ወመላእክት ያመጽኡ ወትረ ሲሳየኪ፡ ከመዝ ነበርኪ ዐሠርተ ወክልኤተ ዓመተ
እንዘ ትትናዘዚ እምነበ መላእክት ስቴኪኒ ስቴ ሕይወት ዉእቱ። መብልዕኪኒ
ኅብስት ሰማያዊ፡ ዳዊት አቡኪ ዘመረ በመሰንቆ ወጎለየ በመዝሙር እንዘ ይብል
በመንፈሶ ትንቢት፡ ስምዒ ወለትየ ወርእዩ ወአፅምዒ እዝነኪ፤ ርስዒ ሕዝበኪ
ወቤተ አቡኪ እስመ ፈተወ ንጉሥ ሥነኪ፡ እስመ ዉእቱ እግዚእኪ ወሎቱ
ትሰግዱ፡ ወልድኪ ሣህሎ ይክፍለነ ሰአሊ ለነ ቅድስት።

5. ገብርኤል መልአክ እመላእክት ንዱህን ዘክልቦ ሙስና፡ እመላእክት

ቀደምት ዘይቀዉም ቅድመ እግዚአ ኩሉ ኣብሠረኪ ወይቤለኪ ተፈሥሒ
ፍሥሕት ኣ ምልእተ ጸጋ እግዚአብሔር ምስሌኪ ቡርክት ኣንቲ እምኣንስት
ረከብኪ ሞገሶ በጎቦ እግዚአ ኩሉ ወናሁ ትፀንዲ ወትወልዲ ወልደ፡ ወትሰምዪዮ
ስሞ ኢየሱስ፡ ዉእቱ ዓቢይ ወይሰመይ ወልደ እግዚአብሔር ልዑል ወይሁቦ
እግዚአብሔር ኣምላክ መንበረ ዳዊት ኣቡሁ፡ ወይነግሥ ለቤተ ያዕቆብ ለዓለም፡
ወክልቦ ማኅለቕት ለመንግሥቱ፡ መንፈስ ቅዱስ ይመጽእ ላዕሌኪ፡ ወኃይለ ልዕል
ይጸልለኪ፡ ዘኒ ይትወለድ እምኔኪ፡ ቅዱስ ዉእቱ ወይሰመይ ወልደ እግዚአ ኩሉ
ዘተወልደ እምኔኪ፤ ወልድኪ ሣህሎ ይክፍለነ ሰኣሊ ለነ ቅድስት።

6. አንተ ወእቱ ዘኮንኪ ድርሐ ቅድሳት ወመቅደሶ ቅድስተ
ቅዱሳን ወመንጦላዕተ ብርሃን፡ ወመንበረ ስብሐት
ዘኢይተረጎም፡ አስተማሶልናኪ ኦ ቅድስት ማርያም በመቅደሶ
ቅድስተ ቅዱሳን፡ በእንተ ቅዱስ መንፈስ ዘመጽአ ላዕሌኪ፡
ወኃይለ ልዑል ደለለኪ፡ ወመንጦላዕተ ብርሃንሶ በእንተ
ዘተሠወረ ቃለ አብ ኢየሱስ ክርስቶስ መድኃኒነ ዉስተ
ክርሥኪ፡ እግዚአ ኩሉ ዘመልዕልት፡ ዘይሴብሕዎ መላእክት
ወሊቃነ

- መላእክት አጋክዝት ወሥልጣናት ኃይላት ወመናብርት ወመኪንንት። ወሶበ
ወለድኪ ወልደኪ በዲበ ምድር በውስተ ጎል ከለሉኪ ኪሩቤል እለ
ብዙኃት አዕንቲሆሙ፡ ወሱራፌል እለ ስድስቱ ክነፈሆሙ፡ ወደመናተ
ብርሃን ፆርኪ፡ሊቃነ መላእክት ወሠራዊተ መላእክት ወሐራ ሰማይ ቆሙ
ቅድሜኪ በፍርሃት ወበረዓድ፡ ወበህዩ በካልእ ስብሐት ወደሱኪ ኪሩቤል
ወሱራፌል ዘኢኮነ እምስብቲሆሙ ዘዉስተ ሰማያት ወኢ
እምስብሐቲሆሙ ዘትካት፡ ወሶበ ርእዩ እግዚአሎም ዘአስተጋብአ ኩሎ
ፍጥረታት እንዘ ይነብር ዉስተ ጎፅንኪ፡ ወዘይሴሲ ለኩሉ ፍጥረት ይጠቡ
ሐሊበኪ ከመሕፃን፡ ጎሠሥዎ ውስተ አርያም ወበህዩ ረከብዎ ምስለ
አቡሁ ወመንፈስ ቅዱስ ከመ ትካት፡

- ወሶበ ርእዩ ትሕትናሁ ለእግዚአሙ አልዐሉ አዕይንቲሆሙ ለዕለ ውስተ አርያም፡
ሰፍክ ክነፈሆሙ ወሰብክ ለእግዚአም እንዘ ይብሉ ስብሐት ለክ እግዚአ ኩሉ
በሰማያት፡ ወዓዲ ርአዩኪ በውስተ በዓት ለኪ ለባሕቲትኪ ምስለ ሕፃንኪ
ወይቤሉ ሰላም በዲበ ምድር፡ ወሶበ ርእዩ እንዘ ይለብስ ሥጋ ዚአነ ዘነሥአ
እምኔኪ ሰገዱ እንዘ ይብሉ ለዕጓለ እመሕያዉ ሠምሮ። ዳዊት ነቢይ ተነበዩ
በመዝሙር እንዘ ይብል፡ እምሰማይ ሐወፀ እግዚአ ኩሉ ወእምድልዉ ድርሐ
መቅደሱ፡ ወርእዩ ኩሎ ደቂቀ ዕጓለ እመሕያዉ፡ ፈተወ ንጉሥ ሥነኪ ወይቤ
ዘቲ ይእቲ ምዕራፍዩ ለዓለም፡ ዝዩ አጋድር እስመ ኅረይክዋ፡ ወልድኪ ሣህሎ
ይክፍለነ ሰአሊ ለነ ቅድስት።

7. አስተማሪዎች ቅድስት ወብፀዕት፤ ስብሐት ወቡርክት፡ ክብርት ወልዕልት በመሰባዘድ፡ ዘውስቴታ ኅብስተ ሕይወት ዘወረደ እምሰማያት፡ ወሀቤ ሕይወት ለኩሉ፡ ዘየአምን ኪያሁ ወይበልዕ እምኔሁ በአሚን ወበልብ ሥሙር ምስለ እለ በየማኑ። ውልድኪ ሣህሎ ይክፍለን ሰአሊ ለን ቅድስት።

8. አንቲ ዉእቱ ተቅዋም ዘወርቅ ዘኢገብራ እደ ኬንያ ዘሰብእ፡ ወኢያኃትዉ ዉስቴታ ማኅቶተ፡ አላ ለሊሁ ብርሃን አብ፡ ብርሃን ዘእምብርሃን፡ መጽአ ኅቤኪ ወነበረ መልዕልቴኪ፡ ወአብርሀ መለኮቱ ወስተ ኩሉ አጽናፈ ዓለም፡ ሰደደ ጽልመተ እምላዕላ ሰብእ፡ ወአድኃነን ብቃሉ ማሕያዊ እንዘ ይብል፡ አነ ዉእቱ ብርሃኑ ለዓለም፡ እመኑ በብርሃኑ ወአንሶስዉ እንዘ ብክሙ ብርሃን፡ ወልድኪ ሣህሎ ይክፍለን፡ ሰአሊ ለን ቅድስት።

9. እግዚአብሔር ዘእም እግዚአብሔር፡ ብርሃን ዘእምብርሃን፡ እግዚእ

ዘበአማን፡ ዘእምእግዚአብሔር ዘበአማን፡ ዘተወልደ ወአኮ ዘተገብረ፡

ኅቡር ህላዌሁ ምስላ አቡሁ ዘቦቱ ኩሉ ኮነ፡ ዘበሰማይኒ

ወበዘምድርኒ። ዘበእንቲአነ ለሰብእ ወበእንተ መድኃኒትነ ወረደ

ወተሠገወ ወተሰብአ እማርያም እምቅድስት ድንግል፡ ወበምጽአቱ

አብርሀ ለዕሌነ ወዜነወነ ትፍሥሕተ ወኃሤተ ወአቅወኃሤተ ኅብ

አቡሁ ወመርሐነ ፍኖተ ሕይወት ወወሀበነ ሕይወት ዘለዓለም

በአሚነ ዙአሁ። ኢሳይያስ ነቢይ እምትእዛዙ ለኢየሱስ

- አንከረ በትንቢት ወይቤ፡ ብርሃን ትእዛዝክ በዲባ ምድር።

ዘካርያስ ካህን አረጋጭ ዳድቅ ወንዶሕ ዘይገብር ትእዛዙ

ለእግዚአ ኩሉ፡ አንከረ ወቀደመ፡ ከሠተ አፋሁ ወይቤ፡

በሣህሉ ወበምሕረቱ ለአምላክነ ለዘሐወፀነ እምአርያም፡

ወሠረቀ ከመ ያርእዮሙ ብርሃኖ ለእለ ይነብሩ ዉስተ

ድልመት ወድላሎተ ሞት፡ ወአርትዐ እገሪነ ዉስተ ፍኖተ

ሰላም ከመ ይምሐረነ፡ ወልድኪ ሣህሎ ይክፍለነ ሰአሊ ለነ

ቅድስት።

10. ናስተማስለኪ ኦ እግእትነ በማዕጠንት ዘወርቅ ዘዉሰተ እዲዊሆሙ

ለሊቃነ ካህናት ሰማያዊያን እለ ይከውኑ ጸሎተ ኩሎሙ ቅዱሳን
መሃይማኖን እምዲበ ምድር በዉስተ ማዕጠንቶሙ ከማሁ በሲለተ ስምኪ
ያዐርጉ ስእለቶሙ ለዕጓለ ዕመሕያዉ ዉስተ ማኅደረ ሥሉስ ቅዱስ ኣብ
ወወልድ ወመንፈስ ቅዱስ፡ ወታስተሥርዩ ኃጢአተ ሕዝብኪ ተበውሐ
ለኪ ኢምኣብ ወወልድ ወመንፈስ ቅዱስ፡ ከመ ትኩኒ ተንከተመ ለዉሉይ
ሰብእ ለሕይወት ዘለዓለም፡ ለኪ ይደሉ ከመ ትኩኒ መድኃኒቶሙ
ለማሃይምናን ሕዝብኪ ኦ መድኃኒተ ኩሉ ዓለም፡ ወልድኪ ሣህሎ
ይክፍለነ ሰኣሊ ለነ ቅድስት።

11. አንተ ወጅቱ ዕፅ ቡሩክ: ዕፅ ሕይወት ወዕፀ መድኃኒት

ህየንተ ዕፀ ሕይወት ዘውስተ ገነት: ዘኮንኪ ዕፀ ሕይወት

በዲበ ምድር:: ፍሬኪኒ ፍሬ ሕይወት ወጅቱ: ወዘበልዐ

እምኔሁ ሕይወተ ዘለዓለም የሓዩ:: ጽጌ አስተርአየ እምኔኪ:

ዘሠናየ መዓዛ ይምዕዝ በኅበ እለ የአምርዎ ዉስተ ኩሉ

አጽናፈ ዓለም: ዘበእንቲአሁ ተነበየ ዳዊት በመዝሙር እንዘ

ይብል: ከርቤ ወሚዓ ወሰሊክ እምነ አልባስኪ:

- ሰሎሞን አብኪ ተነበየ ወይቤ፡ ዪና አንፍኪ ከመ ዪና ስኂን፡
ገነት ዕፁት እኅትየ መርዓት፡ ገነት ዕፁት ዐዘቅት ኅትምት
ፍናወ ዚአኪ፡ ገነት ምስለ ፍሬ አቅማሕ፡ ቆዕ ምስለ ናርዶስ፡
ናርዶስ ዘምስለ መጽርይ ቀዲመታት ወቀናንሞስ ምስለ ኩሉ
ዕፁወ ሊባኖስ፡ ከርቤ ወዓልዉ ምስለ ኩሉ መቅድመ
ዕፍረታት፡ ነቅዐ ገነት ዐዘቅተ ማየ ሕይወት ዘይዉሕዝ
እምሊባኖስ፡ ወልድኪ ሣህሎ ይክፍለነ ሰአሊ ለነ ቅድስት።

12. በትረ አሮን እንተ ሠረፀት ዘእንበለ ተክል ወኢሠቀይዎ ማየ

በቤተ መቅደስ፡ ወረሰዎ ድሉተ ለካህናት፡ ከማሃ አንቲኒ ነበርኪ
ዉስተ ቤተ መቅደስ በቅድስና ወበንጽሕ ወወፃእኪ እምቤተ መቅደስ
በክብር ወበዓቢይ ፍሥሓ፡ ወሠረፀ እምኔኪ ፍሬ ሕይወት ዘበአማን
እግዚእነ ወመድኃኒንነ ኢየሱስ ክርስቶስ፤ ኦ ቅድስት ዘእንበለ ፍካቤ
ረክብኪ ወልደ በከመ ተጠየቂዮ ለመልአክ ወይቤሌኪ፡ መንፈስ
ቅዱስ ይመጽእ ላዕለኪ ወኃይለ ልዑል ይጾልለኪ፡ ወልድኪ ሣህሎ
ይክፈለነ ሰአሊ ለነ ቅድስት።

13. ለኪ ይደሉ ለአግብርትኪ ወለአእማትኪ ትስኣሊ ለነ ንቦ

ወልድኪ፡ ለእለ አመነ በስመ ወልድኪ፡ ኦ ምልእተ ጸጋ፡ ኦ ሙኃዘ
ፍሥ ሓ፡ ፈድፋደ ብኪ ግርማ ራእይ ዘየዐቢ እምኪሩቤል እለ
ብዙኃት አዕንቲሆም ወሱራፌል እለ ስድስቱ ክነፈሆም፡ እልክቱ
ይከድኑ ገጾሙ ወእገረሆሙ በአርአያ ትእምርተ መስቀል፡ ከመ
ይድኃኑ እምእሳት ዘይወፀእ እመለኮተ ወልድኪ፡ አንቲሶ ኮንኪ
ማጎፈደ ለመለኮት፡ ወኢያዉዐየኪ እሳተ መለኮት ፆርኪ ነበልባለ
እሳት፡ወኢያዉዐየኪ ነበልባለ መለኮት፡

- ተመሳልኪ ዕፀ ጳጦስ ዘርእዮ ሙሴ በነደ እሳት ወዕፀታ ኢዉዕዮ፡ ከማሁ ኢያዉዐዮኪ እግዚአ ኃይላት ዘኩለንታሁ እሳት ፍጹም፡ አንቲ በአማን ዘኮንኪ ምክሐ ለዘመደ ክርስቲያን። ውብኪ ቅሩባን ኮነ እምድር ለማኅደር ዉስተ አርያም፡ በእንተ ተሠግዎቱ ለወልደ አምላክ እምኔኪ ሰአሊት ለነፍሳቲነ ሕይወተ ኦ ጸጋዊተ ምሕረት ለእለ ዮአምኑ በጸሎታ፡ ሰአሊ ለነ ኅበ እግዚእነ ወመድኃኔነ ኢየሱስ ክርስቶስ ያጽንዐነ በርትዕት ሃይማኖት ዉስተ አሚነ ዚአሁ ወዘአቡሁ ወዘቅዱስ መንፈሱ፡ ይጸግወነ ሣህሎ ወምሕረቶ ይሥረይ ኃጢአተነ በብዝኅ ምሕረቱ፡ ስብሐት ለኪ ኦ ወላዲተ እግዚአ ኪሉ አኮቴት ወክብር ለአብ ወወልድ ወመንፈስ ቅዱስ፡ ይእዜኒ ወዘልፈኒ ወለዓለም ዓለም አሜን ወልድኪ ሣህሎ ይክፍለነ፡ ሰአሊ ለነ ቅድስት።

+ በእንተ ተሠግዎቱ ለወልደ አምላክ እምኔኪ፡ ወብኪ ቅሩባነ ኮነ እምድር ለማኅደር ዉስተ አርያም፡ብኪ ወበስመ ወልድኪ ቅሩባነ ኮነ።

ይዌድስዎ መላዕክት



1. ይዌድስዎ መላእክት ለማርያም በዉስተ ዉሥጤ መንጦላዕት፡ ወይበልዎ በሐኪ ማርያም ሐዳስዩ ጣዕዋ። ይቤላ መልአክ ለማርያም ተወከፈዮ ለቃል ኅቤኪ ይመጽእ ወበማኅፀነ ዚአኪ ዮኅድር፡ እፎ ቤተ ነዳይ ኅደረ ከመ ምስኪን እምሰማያት ወረደ ላዕሌሃ ፈቲዎ ሥነ ዚአሃ ወተወልደ እምኔሃ።

2. ወበሳድስ ወርጎ ተፈነወ ገብርኤል መልአክ እምነብ እግዚአብሔር ኅብ ኣሓቲ ሀገር ዘገሊላ እንተ ስማ ናዝሬት ኅብ ድንግል እንተ ተፍጎረት ለብእሲ ዘስሙ ዮስፍ ዘእምቤተ ዳዊት፡ ወስማ ለይእቲ ድንግል ማርያም፡ ቦኣ መልአክ ኅቤሃ ወይቤላ ተፈሥሒ ፍሥሕት ኦ ምልእተ ጸጋ እግዚአብሔር ምስሌኪ፡ ብርክት ኣንቲ እምኣንስት ወርእያ ደንገፀት እምቃሉ ወሐለዮት ወትቤ፡ እፎኑ ከመዝኑ እንጋ ኣምኅ ይትኣምኑ ወይቦላ መልአክ ኢትፍርሂ እስመ ረከብኪ ሞገሶ ቦኅብ እግዚአብሔር ወናሁ ትፀንሲ ወትወልዲ ወልደ ወትሰምዪዮ ስሞ ኢየሱስ ዉእቱ ዐቢይ ወይትሰመይ ወልደ እግዚአብሔር ልዑል።

- ወይሁን እግዚአብሔር አምላክ መንበረ ዳዊት አቡሁ። ወይንግሥ
ለቤተ ያዕቆብ ለዓለም ወአልቦ ማኅለቅት ለመንግስቱ፣ ትቤሎ
ማርያም ለመልአክ እጅኑ ይከፈላል ዝንቱ እንደ ኢየሱስ ገብረ
እጅኑ ይከፈላል አዲስ መልአክ ወይቤላ መንፈስ እግዚአብሔር
ቅዱስ ይመጣሉ ለዕለቱ ወኃይላ ልዑል ይጸልሉ ዘኒ ይቅደሉ
እምነት ቅዱስ ወእቱ ወይሰመይ ወልደ እግዚአብሔር ልዑል፡ ወናሁ
ኤልሳቤጥ እንተ እምአዝማድኪ ይእትኒ ፀንሶት ወረክበት ወልደ
በልጎቃትሃ ወበርሥአትሃ ፡

ወናሁ ሳድስ ዝንቱ ወርኅ ለእንተ ይብልዎ መካን እስመ አልቦ ነገር ዘይሰአኖ ለእግዚአብሔር፡ ትቤሎ ማርያም ለመልአክ ነዖ አመቱ ለእግዚአ ኩሉ ነዖ አመቱ።ይኩነኒ በከመ ትቤለኒ።ይቤላ መልአክ ሰላም ለኪ፡

3. ይቤላ ገብርኤል ሰላም ለኪ፡

- ማርያም ድንግል ሰላም ለኪ፡
- ወላዲተ አምላክ ሰላም ለኪ፡
- ማርያም ቅድስት ሰላም ለኪ፡
- ማርያም ዉድስት ሰላም ለኪ፡
- ማርያም ፍሥሕት ሰላም ለኪ፡

- ማርያም ብፅዕት ሰላም ለኪ፡
- ማርያም ቡርክት ሰላም ለኪ፡
- ማኅደረ መለኮት ሰላም ለኪ፡
- ደብተራ ፍጽምት ሰላም ለኪ፡
- እናተ መላእክት ሰላም ለኪ፡
- ወእመ ኩሉ ሕዝብ ሰላም ለኪ፡
- እግዚእትነ ማርያም ሰላም ለኪ፡
- ሰላማዊት ሰላም ለኪ፡
- ቀደሰኪ ለማህደሩ ልዑል ሰላም ለኪ፡

- አብደረኪ ወጎረዖኪ ከመ ትኩኒዮ ማጎደሮ ሰላም ለኪ:
- በአልባሰ ወርቅ ዑፅፍት ወጎብርት ሰላም ለኪ::
- ክንፈ ርግብ በቡፋር ዘግቡር ሰላም ለኪ:
- ወገበዋቲሃኒ በሐመልማለ ወርቅ ማርያም ሥርጉት ሰላም ለኪ:
- ኖጎተ ምሥራቅ ወእሙ ለብርሃን ሰላም ለኪ:
- ትበርሂ እምፀሓይ ወትትሌዐሊ እምአድባር ሰላም ለኪ:

➤ ማርያም ኅርት ወክብርት ሰላም ለኪ:

+ ሰአሊ ለነ ኅበ እግዚእነ ወመድኃኒነ ኢየሱስ ክርስቶስ: ከመ
ያድኅነነ እመ ይመጽእ በስብሐተ አቡሁ ምስለ መላእክቲሁ
ቅዱሳን: እመ ያቀጧም አባግዐ በየማኑ ወአጣሌ በፀጋሙ:
ያቋመነ በየማኑ ምስለ እስጢፋኖስ ሰማዕት ወዮሓንስ
መጥምቅ:: ወምስለ ኩሎሙ ቅዱሳን ወሰማዕት ለዓለመ ዓለም
አሜን::

♣ ደሎታ ለማርያም ወስኔለታ ያድገህን እመዓተ

ወልደ፡ ደሎታ ለማርያም ወስኔለታ ለርእሰ ሊቃነ ጳጳስነ

እገሌ.....ይዕቀቦ እመዓተ ወልደ፡ ደሎታ ለማርያም

ወስኔለታ ለመፍቀሬ አምላክ.....ይዕቀቦሙ እመዓተ

ወልደ፡ ደሎታ ለማርያም ወስኔለታ ለሕዝብ ክርስቲያን

ይዕቀቦሙ እመዓተ ወልደ፡ ደሎታ ለማርያም ወስኔለታ

ለሀገራችን ኢትዮጵያ ይዕቀቦሙ እመዓተ ወልደ፡።



መልክአ ማርያም



1. ማርያም ስኃርዮት መክፈልተ ሠናዩ ዘኢየህይድዋ ይእቲ ፀዓዳ ዘእምነገደ ይሁዳ ሠረገላተ ኣሚናዳብ ንብረታ። በኅዳር ጽዮን "ሙሴኒ ይቤላ" በል።

2. ሰላም ሰላም ለዝክረ ስምኪ ሐዋዝ፡ እምነ ከልበኔ ወቀስጥ ወእምነ ሰንበልት ምዑዝ፡ ማርያም ድንግል ለብሲተ ዐቢይ ትእዛዝ፡ ይሥቅየኒ ለለጽባክ ወይነ ፍቅርኪ ኣዚዝ፡ ከመ ይሠቅዮ ዉኒዝ ለሠናይ ኣርዝ።

3. ሰላም ለሥዕርተ ረእስኪ ዘተንእደ ፅፍሮሁ፡ ለኣቡኪ በከናፍሪሁ፡ ማርያም ድንግል ለእግዚአብሔር ጽርክ፡ ለገብርኪ እግዚእትዮ ኢትኅድግኒ እላሁ፡ ከመ ኢይበሉኒ ፀር ኣይቴኑመ ምክክ።

4. ሰላም ለርእሰኪ በቅብዐ ቅዳሴ ርፍከስ፡ አኮ አኮ በቅብዐ ደነስ፡ ማርያም ድንግል ንጽሕተ ሥጋ ወነፍስ፡ ያንጽሓኒ እምነ ርኩስ በፍሕመ ቊርባኑ ቅዱስ፡ አዝዚዮ ለሱራፊ ዘሰማይ ቀሲስ።

5. ሰላም ለገስኪ ዘጥቀ ይልሂ፡ እምሥነ ከዋክብት ወወርኅ ወእምሥነ ፀሐይ መብርሂ፡ ማርያም ድንግል ፍናዋትዮ ሠርኒ፡ በመዓልት ወበሌሊት ኢይርከበኒ ጸናሒ፡ መሥገርተ አበሳ ዘይጠፍር ወግበ ዘይደሂ።

6. ሰላም ለቀራንብትኪ ደመናተ ብካይ እለ ኮና፡ ከመ አመ አሕመመ ወልደኪ ቅንአተ ቀያፍ ወሐና፡ ማርያም ድንግል ለባሲተ ንጽሕ ወቅድስና፡ አስምዕኒ ነገረ ጽድቅ ዘያስተፌሥሕ ሕሊና፡ ከመ አስተፍሥሐኪ ጥቀ ዘመልአክ ዜና።

7. ሰላም ለአዕይንቸኪ ዘተመሰላ ኣብያዘ፡ እሊ ይፌጽማ ትእዛዘ፡ ማርያም ድንግል እንተ ኢተአምሪ ጋዕዘ፡ ናዝዝኒ በንባብኪ እመ ልብዩ ተከዘ፡ በሐብላ ሰቆቃዉ ጽኑዕ ኢይኩን እኙዘ።

8. ሰላም ለአዕዛንኪ እሊ ሰምዓ ቃሎ፡ እግዚአብሔር እግዚእ ሰበ ለገብርኤል ተመስሎ። ማርያም ድንግል ጽሕቕት ለተሣህሎ፡ ሰበ ለልብዩ እሳተ ንዘን ኣሕለሎ፡ ያፅምኣኒ እሊ ነገርዮ ኩሎ።

9. ሰላም ለመላቸሕኪ በእሳተ ኣንብዕ እሊ ዉዕያ፡ ጊዜ ሰቀሉ በኩረኪ ዉሉደ ራኔል ወልያ፡ ማርያም ድንግል ለነብስዮ ደብረ ምስካያ፡ ኣድኅነኒ እምኣፍ ደም ዘኣናብስተ ሐቕል ኣርኣያ፡ ከመ ማኅፈር ጠቢብ ወምእመን ኬንያ።

10. ሰላም ለአዕናፍኪ መሰክወ ሠናይ መዓዛ፡ ይኔይስ ፈድፋድ እምዔና
ስኒን ዘጠረጴዛ፡ ማርያም ድንግል ለሕይወትዮ ምርጉዛ፡ ሰዋስዉ ዘምድረ
ሎዛ እንተ ርእየኪ ወሬዛ፡ አመ ዕለተ ፍዳ ኩንኒ ቃዉመ ወቤዛ።

11. ሰላም ለከናፍርኪ ከመ ፍሕሶ ቀይሕ፡ ቅዳሴ ወንጽሕ፡ ማርያም
ድንግል ኖታተ ጽባሕ፡ ባልሕኒ እምነ ወይሌ ወአንግፍኒ እምላህ፡ እስመ
ለልብዮ ንዘኑ ብተኅ።

12. ሰላም ለአፍኪ ዘሰዐመ ርስነ፡ እንዘ አበ አዕሩግ ዉእቱ በጊዜ ኮነ ሕፃነ፡
ማርያም ድንግል ዘትዔንዊ ስኅነ፡ ኅፍረተ አበሳ ሰበ ገጽዮ ተከድነ፡
ለናዝዘትዮ እመ ብጽሒ ፍጡነ።

13. ሰላም ለአስፍንኪ ሐሊበ ዕጌልት ዘተዛወጋ፡ ወመራዕዮ ቅሩፃተ እለ እምሕፃብ
ዐርጋ፡ ማርያም ድንግል ለደብተራ ስምዕ ታቦተ ሕጋ፡ አፍቅርኒ እንበለ ንትጋ
ለብእሴ ደም ወሥጋ፡ ዘየዐቢ እምዝ ኢየጎሥሥ ጸጋ።

14. ሰላም ለልሳንኪ ሙኃዘ ሐሊበ ወመዓር፡ ዘተነብዮ ወፍቅር፡ ማርያም
ድንግል ወለተ ድኑኃን፡ አድባር፡ ኅብእኒ እምዐይነ ፀር ወአንጽሕኒ እምነዉር፡
እስመ ተስፋዩ አንቲ በሰማዩ ወምድር። ሰላም ለቃልኪ እምአስከለ ወይን
ጥዑም፡ ወእምድምፀ ናብሊስ አዳም ዘያረስፃ ለሕማም፡ ማርያም ድንግል
ዘብርሃነ ሕይወት ተቅዋም፡ እመ ተሀዉክ በላዕለዩ ማዕበለ ዝንቱ ዓለም፡ ከመ
ያርምም ገሥዲዮ መሓሪት እም።

15. ሰላም ለእስትንፋስኪ ዘመዓዛሁ ሕይወት፡ ከመ መዐዘ ዕፅ ጎሩይ
ዘዉስተ ገነት፡ ማርያም ድንግል ቤተ ቅድሳት፡ጽንሕኒ ዉስተ ሠናይ
ወሠዉርኒ እሞት፡ በአክናፍኪ ርግብዩ ጎሪት።

16. ሰላም ለገርዔኪ ሠናይ እምወይን፡ በከመ ይቤ ሰሎሞን፡ ማርያም
ድንግል ለባሲተ ዐቢይ ብርሃን፡ ክድንኒ ገርዜነ ጸጋ ኢያዕፀበኒ ዕርቃን፡
ዘኢአነምዎ ጠቢባን በኪን።

17. ሰላም ለክሳድኪ ቃማ ንጽሕ ዘዐነቀ፡ ከመ አዋልድ አኮ ብሩረ
ወወርቀ፡ ማርያም ድንግል ዘተመሰልኪ ማዕነቀ፡ ሕይወትዩ በንዝህላል
እመ ተሠልጠ ወጎልቀ፡ ወስክኒ ክራማተ እስከ እገብር ጽድቀ።

18. ሰለም ለመታከፍትኪ እለ ግጥሞች እማንቱ፡ ለጌጋይ እምነ አርዑቱ፡
ማርያም ድንግል ለሆሤዕ ሠርጌ ትርሲቱ፡ በልኒ እግዝእትየ ጸሕቀ
ሕሊናየ ዝንቱ፡ ፍኖተ የማን ይምራሕከ ወተአኩት በቱ።

19. ሰለም ለዘበንኪ እምዘባነ ኪሩብ ዘዐብየ፡ ሐዚሎ እሳተ ወእምርስነ ነዱ
ኢዉዕየ፡ ማርያም ድንግል ፈጻሚተ ኩሉ ጸሕቅየ፡ ሀብኒ እግዝእትየ
ዘተመነይኩ ሠናየ፡ እንበለ አፅርፆ ፍጡነ በዲሐኪ ዝየ።

20. ሰለም ለእንግድዓኪ ለእሳተ መለኮት ምርፋቁ፡ ማርያም ድንግል
ለነዳይ ንዋየ ወርቁ፡ እመ ነገደ ርጎቀ ወሐረ ዕራቁ፡ ኢያጎዝኖ ሲሳይ
እስመ አንቲ ስንቁ።

21. ሰላም ለጎፅዊተ ለጥበበ ሰማይ ምዕራፋ፡ ዘኢትረከብ ሱታፋ፡ ማርያም ድንግል ጸጋዊተ ሰላም ወተስፋ፡ ኩንኒ እግዚእተየ ቅድመ ፀርየ ሐገፋ፡ ከመ ዖፍ አፍኅርቲሃ ትሔዉር በክንፋ።

22. ሰላም ለአእዳዉኪ እሳተ መለኮት እለ ገሠሣ፡ አውቃፈ ብሩረ ወወርቅ ለሥርጋዌሆን ኢኅሠሣ፡ ማርያም ድንግል ለመከን ህንበበ ከርሣ፡ አንጽሕኒ እግዝእትየ ለፍትወተ ዓለም እምርኩሳ፡ በዲበ ሥጋየ ኢትንበር ነገሣ።

23. ሰላም ለመዘርዕኪ ዘተረሰዖ ኃይለ፡ ከመ ይፀራ ነበልበለ፡ ማርያም ድንግል እንተ ኅጣእኪ መምሰለ፡ ኃጢአትየ ለገብርኪ ከመ ፈድፈዶ ተለዐለ፡ ከመ ጥቅም ዘበባል ረስዩ ንኙለ።

24. ሰላም እብል ለኩርናዕኪ እዌድሶ፡ ለእሳተ መለኮት በላዒ አምጣነ ኮነ ትርኣሶ፡ ማርያም ድንግል ምዕዝት ዘእምአንክሶ፡ ህልዊ ደርገ ምስሌዩ እንዘ አልብኪ ተግኅሦ፡ ለሕሊና ልብዩ ወትረ እንግርኪ ማኅሠሣ።

25. ሰላም ለእመታትኪ እለ ጸንዓ ይፍትላ፡ ሜላተ ወወርቀ በናዝሬት ወበገሊላ፡ ማርያም ድንግል ለዮዲት ጥበበ ቃላ፡ ብጽሒ በሠረገላ ንትመሐል መሐላ፡ ከመ ታኅድርኒ በብሔር ዘተድላ።

26. ሰላም ለእራጎትኪ እለ ስፋሐት ለመጥዎ፡ ማርያም ድንግል እስእለኪ በተስፋዎ፡ ከመ እክሀል በበ ያታሁ ስብሐታተኪ ዜንዎ፡ ለገብርኪ ዓብድ ምልእኒ ለብዎ።

27. ሰላም ለአፃብዕኪ እምእራኝ እዴኪ እለ ሠረፃ፡ እምኑልቄ ሠላድ ወስብዕ እንዘ ኢየሐፃ፡ ማርያም ድንግል ደብረ ኤልያስ ነቢየ ፋጻ፡ ዕቀብኒ በረድኤትኪ እምነ እርዌ ዘኖፃ፡ ህየንተ ሠናይ ለሰብእ ዘይሁብ ዐመፃ።

28. ሰላም ለአፅሁብ እዴኪ መልዕልተ አፃብዕ እለ ሠረቃ፡ በበሕቅ ዘልፈ እንዘ ይልጎቃ፡ ማርያም ድንግል ማጎቶትየ በውስተ ጣቃ፡ ኢትሰድኒ ለገበርኪ ለዓመትየ በንፍቃ፡ ዝንቱ ውእቱ ለልብየ ጻሕቃ።

29. ሰላም ለአጥባቅኪ እለ አውኃዘ ፍጽመ፡ ድንግልናዌ ሐሊበ ዉስተ አፈ አምላክ ቅድመ፡ ማርያም ድንግል እንተ አምጻእኪ ሰላመ፡ ጎክታመ፡ ዘእንበሌኪ ኢየጎሥሥ እመ።

30. ስላም ለገቦኪ ዘሐመልማለ ወርቅ ክዳኑ፡ በከመ ዳዊት ይዜኑ፡ ማርያም ድንግል ለያቆብ ሞገሶ ሥኑ፡ በልኒ እግዝእትዮ ኣፈቅረከ ኣኮኑ፡ እንዘ ረዳኢትከ ኣነ ዘይክለከ መኑ።

31. ስላም ለከርሥኪ ዘኣፈድፈድ ተበፅዖ፡ እምታቦተ ሙሴ ነቢይ ለጽሌ ትእዘዝ ዘየጎብኡ፡ ኣምርያም ድንግል ጊዜ ጽዋዕኩኪ በኣስተብቀዖ፡ ለፀርዮ ብእሴ ዐመፃ ኃይለ ዚኣኪ ይጽብዖ፡ እስከነ ያስቆቁ ጥቀ ድጎሪተ ገቢኡ።

32. ስላም ለልብኪ እምነ በቀል ርጎቅ፡ እምጥነ ዐረብ ወሠርቅ፡ ማርያም ድንግል ገነት ጎሩያን ደቂቅ፡ ክድንኒ ልብሶ ከብካብ ለቅኑይኪ ዕሩቅ፡ ከመ ጽጌሁ ዘወርቅ።

33. ሰላም እብል ለኩልያትኪ ክልኤ፡ ዘቅብዐ ክህነት ቀርን ወዘወይነ ትፍሥሕት ግምዔ፡ ማርያም ድንግል ብልኒ ቅድመ ጉባኤ፡ ሕፃንዩ በእንቲአዩ ይከዉነከ ረዳኤ፡ እመራደ ፀርከ ሕቀ ኢትፍራህ ትንሣኤ፡፡፡፡

34. ሰላም ለሕሊናኪ ሐልዮ ሠናያት ልማዱ፡ ወገበረ ምሕረት መፍቅዱ፡ ማርያምን ድንግል ለዳዊት ወለተ ወልዱ፡ ንዝሕኒ በአዛብኪ ዘይትረከብ ዘመዱ፡ ወበማየ ሕይወት ሕፀብኒ እምበረደ እፃዕዱ፡፡

35. ሰላም ለአማዑትኪ ነበልባለ ኅዘን ዘአውዐዮ፡ እመ ወዐለ ወልዲኪ ስቆለ በቀራንዮ፡ ማርያም ድንግል ፀምረ ጠለ ዘተነበዩ፡ ጌጋይዩ አስተርአዮ እንተ አልብኪ ተፈልዮ፡ በሥርዐተ ካህን ላዕሌዮ አንኒ ዳልዮ፡፡

36. ሰላም ለንዋዩ ዉሥጥኪ አምሳለ ንዋያ ለደብተራ፡ ስብሐተ ልዑል

- ዘይሤዊራ፡ ማርያም ድንግል ትምክሕተ ደቂቃ ለሣራ፡ ባልሕኒ ወለተ ቅስራ ለዓለመ ጽልመት እምፃዕራ፡ እስመ መቅዓን ወጠዋይ ምሕዋራ።

37. ሰለም ለንዋዩ ውሥጥኪ አምሳለ ብዋያ ለመቅደስ፡ ንዋይኪሶ ኢየሱስ ክርስቶስ፡ ማርያም ድንግል ዘገዳመ ሲና ጳጦስ፡ ከመ ያነቅሖ ለልባ ዘፋኒ ናብሊስ፡ ፍቅርኪ ያንቅሖኒ በሥጋ ወነፍስ።

38. ሰለም ለንገብርቲኪ ከመ ማዕከክ ርእየቱ፡ ዘኢየዓርቅ እምቱስሕቱ፡ ማርያም ድንግል ለካህን ዕፀ ጎርየቱ፡ ከመ ኢይኩን ፅሩዕ ንባባ አፍዩ ዝንቱ፡ በጽዋዕ ኪሩብ ደዩዮ ውሥጢዮ ሎቱ።

39. ሰለም ለማጎፀንኪ ለእግዚአብሔር ማጎፈዱ፡ ዘሐነፀኪ የማነ እዱ፡

ማርያም ድንግል ማዕዝት ዘእምናርዱ፡ ኅቤኪ ያንቀዑ ለረኪበ
ኩሉ ምፍቅዱ፡ ምስለ ካልኡ ዐይንዩ አሐዱ።

40. ሰለም ለማዕፀንኪ ለእግዚአብሔር ዘውጉ፡ ብዑድ ሥርዐቱ

ወፍሉጥ ሕጉ፡ ማርያም ድንግል ለአስካለ ሕይወት ሐረጉ፡ በልኒ
እግዝእትዩ ኃጢአተክ ኅደጉ፡ ወመኃልዩክ ስማዩ አዕረጉ።

41. ሰለም እብል ለድንግልናኪ ዕፅው፡ እንተ እምኔሁ ሠረቀ ፀሐዩ

መለኮት ኅትው፡ ማርያም ድንግል ዘሥነ ንጽሕኪ ፍትው፡ ለኅዲር
በበፍናዉ በአህጉር ወበድው፡ ዕቀኒ ወለቶሙ ለኔራን አበዉ።

42. ሰለም ለሐቋኪ በትረ ሌዋዊ ሣዉዕ: ዘኢሐፀነኪ ጠል ወዘኢ ሠቀዩኪ
ነቅዕ : ማርያም ድንግል እግእእተ መላእክት ወሰብእ: ሰድኒ ብሔረ
ፍግዕ በትንባሌኪ ባቑዕ: ምስለ ኅሩያንኪ ደርገ አበሉ በስንዕ::

43. ሰለም ለአቀያጽኪ እለ ይነብራ ድርገተ: እምነ አብራክኪ ላዕለ
ወእምነ ሐቋኪ ታሕተ: ማርያም ድንግል እንተ ኢተአምሪ ርስሐተ:
ጽባሐ ወምሴተ ኩሎ ዕለተ: ዘይስማዕ ምሕረተኪ ግብሪ ሊተ::

44. ሰለም ለአብራክኪ በስብሐተ ልዑል ዘአስተብረካ: እምአመ ወሀቡኪ
ብፅዕ ውስተ አሪታዊት ታዕካ: ማርያም ድንግል መንበር ዘአብነ ፔካ:
ጊዜ ስደቶሙ ለኃጥአን እምዐፀደ ዐባይ ፋሲካ: ዪውውኒ መንገሌኪ
እኩንኪ ምህርካ::

45. ሰላም ለአጎርኪ እላ ፃመዋ በረዊፅ፡ እምቤተ ልሔም ዘይሁዳ እስከ ምድረ ግብጽ፡ ማርያም ድንግል ሥርዓተ ነበልባል ዕፅ፡ ለኅዲር በቤተ ናሕስ እንተ መልዕልተ ኩኩሕ ህኑጽ፡ አጥብብኒ በተግሣፅ ወሠቅኒ እምዳኅፅ።

46. ሰላም እብል ለዘዚአኪ ሰኩና፡ ዘኢድኅፀ በውስተ ፍና፡ ማርያም ድንግል ትእምርተ ኪዳን ቀስተ ደምና፡ አምዕዝኒ በዕፍረትኪ ወጸግውኒ ጥዲና፡ በከመ ትገብር እምለንዑስ ሕፃና።

47. ሰላም ለምክዩድኪ እላ ረከቦን መከራ፡ እምፍርሃተ ቀተልት ሐራ፡ እንበለ አሣእን አመ ሐራ፡ ማርያም ድንግል ታቦተ ቃለ ጽድቅ መንፈቀ ዕሥራ፡ ዕጌላት እምዕጌሊሆን ከመ ኪያኪ አፍቀርኩኪ አፍቅርኒ እምይእዜ ለግሙራ።

48. ሰላም እብል ዘእጋርኪ አፃብዎ፡ ሐሳብ ጉልቆን ዘኮነ ምስሊ ስድስ
ርብዎ፡ ማርያም ድንግል ዘተሰመይኪ ምሥዋዎ፡ በረዊፅ ወብጉጉኦ
አፍጥኒ መዲኦ፡ ሰብ አፋይ ስመኪ ስውዑ።

49. ሰላም ለክፅፋረ እግርኪ ዘኢፈቀዳ ለሥርጋዌ፡ ጥምዕታተ ሕምር
ምድራዌ፡ ማርያም ድንግል ሐውልተ ስምዕ ዘወልደ ነዌ፡ ሡቅኑ
እምትንታኔ ወባልሕኒ እምአርዌ፡ ላዕሊ እምየ ዘአምጽኦ ደዌ።

50. ሰላም ለቆምኪ በቀልተ ዘተመስለ፡ ኅብ ሙኅዘ ማይ ዘበቆለ፡
ማርያም ድንግል እስእለኪ ስኢለ፡ ኢይረድ ታሕቲተ ምጥቅኒ ላዕሊ፡
ኢረከብኩ በርኅራኄ ከማኪ ዘብዕለ።

51. ስላም ለመልክዕኪ ዘተሠርገወ አሜረ፡ ዘያበርህ ወትረ፡ ፍቅርትዮ አንቲ እንተ ታበድሪ ፍቅረ፡ አርእይኒ ገጸ ዚአኪ ማርያም ምዕረ፡ ዘኢይሰምዎ ካልእ እንግርኪ ነገረ።

52. ስላም ለፀአተ ንፍስኪ እንበለ ፃዕር ወፃሚ፡ ለነቢር ዘልፈ በየማነ ወልድኪ ፌማ፡ ማርያም ድንግል ክልልተ ሞገሶ ወግርማ፡ አጽንዒ በረድኤትኪ ለሕይወትዮ ድካማ፡ እምሕይወተ ኄራን አበው ኢታሕ ጽጺ ዐቅማ።

53. ስላም እብል በድነ ሥጋኪ ጽሩዮ፡ ዘተመሰለ በሕርዮ፡ አርያም ድንግል ዐፀደ ወይንዮ፡ ንስቲተ ለዕበይኪ እንተ አቅረብኩ ግናዮ፡ ኢይትኅደግ ዲበ ምድር ምሥጢ ሰማዮ።

54. ሰላም ለግንዛታ ሥጋኪ በእደ ሐዋርያት አርጋብ፡ በአፈወ ዕፍረት

ቅድው ዘሐሳብ ሤጡ ዕፁብ፡ ማርያም ድንግል ወለተ ኅሩያን ሕዝብ፡
ረሰይኩኪ እግዝእትየ ህየንተ እም ወአብ፡ ይኅፅነኒ ከመ ጥብ ፍቅርኪ
ሐሊብ።

55. ሰላም ለመቃብርኪ ለጌቴሴማኒ በመርጎባ፡ እንተ ይእቲ ለኢየሩሳሌም

ቅሩባ፡ ማርያም ድንግል ለሀገረ መንግሥት ረግባ፡ ትትሜጦ ወርቅ
እምአፌር ወዳበለ አፈው እምበሳ፡ ጌቴሴማኒ ለሥጋኪ ምስክባ።

56. ሰላም ለመቃብርኪ ለኢየሩሳሌም በአድያማ፡ እንተ ይእቲ ጌቴሴማኒ

ስማ፡ ማርያም ሰንበተ ዕረፍተ ጽዑራን እምፃማ፡ አመኅደረ ላዕለኪ ፀሐየ
ቅዱሳን ዘራማ፡ ኃይለ ልይለ ዳለለኪ በመንክር ግርማ።

56. ስለም ለፍልሰተ ሥጋኪ መካነ ፍሥሐ ምጡቀ: በአእባነ ባሕርይ
በተነድቀ: ማርያም ድብተራ እንተ ኢትትከደኒ ሠቀ: ጽሒፈ ውዳሴኪ
እምኪ ጎልቀ ሶበ ኮነ ጥቀ: ዝናመ ክረምት ቀለመ ወሰማይ ረቀ::

57. ስለም ለፍልሰተ ሥጋኪ ወለተ ንጉሥ ይሁዳ: ወለተ ሌዊ እኙሁ
ዘሀብተ ክህነቱ አግዳ: ማርያም ድንግል ምዕዝት ዘእምስጌ ረዳ: በጽሒፍ
ኢይፌጽሞ ለስብሐትኪ እንግዳ: እመ ኮነ በቅድሜይ ስፍሐ ምድር
ሠሌዳ::

58. ስለም ለፍልሰተ ሥጋኪ ደባትረ ብርሃን ጎበ ተተክሉ: ለገነተ ጽባሕ
በማእክሉ: ውድስት አንቲ ወስብሕት በአፈ ኩሉ: እምነ ዳድቃን
ዘታሕቱ ወእምትጉሃን ዘለዕሉ: ማርያም ለኪ ስብሐተ አደሉ::

59. በዝንቱ ቃለ ማጎሌት ወበዝንቱ ይባሉ፡ ለዘይስእላኪ ብእሲ ጊዜ ረከቦ
ምንዳቤ፡ ማርያም ዕንቁዩ ክርስቲሎቤ፡ ወምዕዘተ ምግባር እምክርቤ፡
ዘጸገዩ ማኅፀንኪ አፈወ ነባቢ።

60. ስብሐት ለኪ ማርያም በኙልቄ ኩሉ ሥዕርትዮ፡ ስብሐት ለኪ ማርያም
በኙልቄ ኩሉ ዘተርአዮ፡ ስብሐት ለኪ ንግሥትዮ በኙልቄ ኩሉ
ዘኢያስተርአዮ፡

61. ስብሐተ ድንግልናኪ ዘልፈ ይነግር አፍዮ። እግዚአብሔር ኅቤኪ ፈነወ
ቃሎ፡ ገብርኤልሃ አስተማሲሎ፡ ማርያምአምላክ ዘወለድኪ በተደንግሎ፡
ሰላም ሰላም ወሰላም እብሎ፡ ለመልክዕኪ ፈጺምዮ ኩሎ።

62. ለዘኢያፈቅረኪ እግዚትዮ ማርያም ውኩፈ ኢይኩን

ጽሎቱ፡ ይትገዘም ኑጎ ዓመቱ ወይጥፋእ በከንቱ፡ በአፈ መላእክት ወስብእ ይትረገም ለለሰዓቱ፡ ዘአስተማሰሎ በተውኔት ለማጎሌተ ንግሥኪ ዝንቱ፡ ጌጋዩ ወኃጢአቱ ኢይትኃደግ ሎቱ። ኦ እግዝእትዮ ማርያም ዕቀብኒ ወአድጎንኒ እመከራ ሥጋ ወነፍስ ሊተ ለገበርኪ፡ ሊተ ለአመትኪ።



መልክአ ኢየሱስ



1. ኢየሱስ ኢየሱስ ኢየሱስ ክርስቶስ ዘሠረፀክ ኢምቤተ ሌዌ፡ ኮሬባዊ መለኮታዊ፡ ቃል ሰማያዊ እም ድንግል ተወልደ።

2. ስለም ለዝከረ ስምክ ስመ መሓላ ሰኢይሔሱ፡ ዘኣንበረ ቅድመ እግዚአብሔር በአቶሮንሱ፡ ኢየሱስ ክርስቶስ ለዳዊት ባሕርያ ከረሠ፡ አክሊለ ስምክ እንዘ ይትቆጸል በርእሱ፡ አህጉረ ፀር ወረሰ ኢየሱስ።

3. ስለም ለሠዕርተ ርእሰክ ዘሥመር አብቋሉ፡ ወጽፋቅ ጥቀ ለአርዘ ሊባኖስ አምሳለ ቆጽሉ፡ ኢየሱስ ክርስቶስ ሊቀ ካህናት ዘላዕለ ኩሉ፡ ይጸሐፍ በልሳንዮ ለውዳሴክ ፈደሉ፡ ኢይትኃደግ ዲባ ምድር ንባቡ ወቃሉ።

4. ሰላም ለርእሰክ በመንበረ ክሳድ ዘተሣረረ፡ እንደ ማእሰ ሥጋ ይለብስ ወእንደ ይቅገለበብ ጸጉረ፡ ኢየሱስ ክርስቶስ ከመ ቃልክ ነገረ፡ ይወርሱ በእንቲአክ ንዳያነ ዓለም ክብረ፡ ወቀደምትኒ ይከፈኑ ድጎረ።

5. ሰላም ለገጽክ እም ሥነ ኦርዶሬስ ስቡሕ፡ ወፍሡሕ ከመ ወርኅ ዘአሜገሃህ፡ ኢየሱስ ክርስቶስ ታቦተ ሕይወቱ ለኖኅ፡ ኅብአኒ እግዚአ በውሣጤክ ስፋሕ፡ ማየ ኩነኔ አመ ዘንመ አይኅ።

6. ሰላም ለቀራንብቲክ ከመ ክልኤ ክንፈ ኪሩብ፡ እለ ይጸልላ ወትረ አዕይንቲክ ዘርግብ፡ ኢየሱስ ክርስቶስ እደ መዝራእቱ ለአብ፡ አስተጋብ ውስተ ልብዩ አቅማሐተ ኩሉ ጥብብ፡ ከመ ጽጌያተ ዘገዳም ያስተጋብእ ንህብ።

7. ስለም ለአዕይንቲክ ከመ ምሉዕ ምዕቃለ ማይ፡ እለ ይቅረአያ ወቅረ
በመንበረ መጽሔት ርሡይ፡ ኢየሱስ ክርስቶስ መስተሥርየ ኩሉ ጌጋይ፡
ንዝኅኒ እግዚአ በአዛብክ ሠናይ፡ ወአፃዕድወኒ እምበረድ ጽፋይ።

8. ስለም ለአዕዛኒክ ጽልዋተ እለ ኮና፡ አምኅ ነገር ያብኣ ለመኮንነ ውሥጥ
ሕሊና፡ ኢየሱስ ክስቶስ ዘያዕቆብ ዓምደ ደመና፡ ምርሐኒ እግዚአ ኅበ
ይቅፈቀድ ፍና፡ በዓመተ ርስዐን ወድካም ኢይርአይ ሙስና።

9. ስለም ለመላችሁክ እለ ይፈርያ አፈዋተ፡ ከመ ርኄ አፈው ዘይዳኑ ርኑቀ
ፍኖተ፡ ኢየሱስ ክርስቶስ እስመ አበ ንፍስየ አንተ በሎሙ ለመላእክት
ተፈሥቆ ሊተ፡ ረከብክዎ ለወልድየ በኮንቱ ዘሞተ።

10. ስለም ለአዕናፈክ መሰከወ ዪና ወአናቅጽ፡ እለ ውዱዳት እማንቱ
ማእከለ ክልኤ አብይጽ፡ መልአክ ሕይወትዮ ክርስስቶስ አስተረየኒ በገጽ፡
ናሁ ተመሠጥኩ በጣዕመ መስቀልክ ዕፁ፡ ወተነደፍኩ በፍቅርክ ሐጽ።

11. ስለም ለከናፍሪክ ሙኃዘተ ከርቤ ሐዋዝ፡ እምጽጌ ገዳማት ኩሎን
ዘዪናሆን ምዑዝ፡ ኢየሱስ ክርስቶስ በግዑ ይስሐቅ እኙዝ፡ ይተከዐው
ዉስተ አፋዮ ከመ አዜባዊ ውኒዝ፡ ነቅዐ ገቦክ በኩናት ርጉዝ።

12. ስለም ለአፍክ ለዮሐንስ ዘስዐሞ፡ ንጽሐ ሕሊናሁ ወልቡ ለዓይነ
ፍትወትክ ሶበ አደሞ፡ ኢየሱስ ክርስቶስ መፍቀሬ የዋሃት እምሃት እምተ
ቀይሞ፡ ጸግወኒ ማዕፆ አፍ እንተ ይእቲ አርምሞ፡ ለትዕግሥትክ ከመ
አእምር ዐቅሞ።

13. ሰላም ለአስናኝክ አይተ አዕናቀ እለ ተሰክዓ፡ በፈትለ ሥጋ ወደም እስከ ሥረዊሆን ጸንቦ፡ ኢየሱስ ክርስቶስ ዘተሰመይክ ምሥዋዐ ከርስዩ ርኅቦ እግዚአ ወውሣጤ ጉርዔዩ ጸምአ ፡ እንበለ ኩነኔ ሀበኒ ሥጋክ መብልዐ።

14. ሰላም ለልሰንክ በደብረ ታቦር ዘአልኖሶስ፡ ለብርሃን ዐቢይ እስከ ጽላሎቱ ተሐውሶ፡ ነበልባለ እሳት ክርስቶስ ዘተዋሐድክ ጳጦስ፡ በዋዕዩ ፍቅርክ ከመ ሥጋወ አእዋም ዩብሶ፡ ውሣጤ ሕሊናዩ ነደ ወልብዩ ጤስ።

15. ሰላም ለቃልክ እማእሠሪሁ ዘፈትሖ፡ ለፍቅር አልአዘር ኃይለ ሥልጣን ሞት ድኅረ ሞቅሖ፡ ኢየሱስ ክርስቶስ ንጉሥ ሰላም ወተራጎርኖ፡ አባ ወአቡዩ እሴብሐክ ሰብሖ፡ ለአንቀጽክ ጸግወኒ መርኖ።

16. ሰላም ለእስትንፋስክ እስትንፋስ ላህብ ምውቅ፡ ጊዜ ፍና ሠርክ

ዘነፍሐ ገነተ ኅሩዖን ደቂቅ፡ ኢየሱስ ክርስቶስ ጠፈረ ሃይማኖት
ወድድቅ ይትወገውኑ ከዋክብት በአየርክ ምጡቅ፤ ወያንበሰብሱ
ደመናት በዐረብ ወሠርቅ።

17. ሰላም ለጉርዔክ በጽምአ ፍቅረ ሰብእ ሐማሚ፡ እስከ ስቴ ሐሞት

ጥዕመ ወዘወይነ ትፍሥሕት ከራሚ፡ ኢየሱስ ክርስቶስ መምህረ
ዳዉሎስ ዘብንያሚ፡ አመ ነሥአ ማኅተመ ደጋ እንዘ ስመክ ይሰሚ፡
አልቦ አይሁድ ወአልቦ አረሚ።

18. ሰላም ለካህድስ ግብረ መንፈስ ቅዱስ ኬኒያ፡ አዳም ሥና ወመንክር ላህያ፡
ኢየሱስ ክርስቶስ ነቢይ ወሓዋርያ፡ አመ ወፅኦ ስሙዓቲክ በአድያመ ኩሉ ሶርያ፡
ብፁዓት አዕይንት ኪያክ ሶርያ፡ ብፁዓት አዕይንት ኪያክ ዘርእያ።

19. ሰላም ለመትከፍትክ ከመ ልብሶ ክህነት ለጉዮ፡ ጊዜ ፀአተ ፍትሕ ዘፆረ አርዑተ
መስቀል በቀራንዮ፡ ኢየሱስ ክርስቶስ በግዑ መድኅኒት ወአስተሥርዮ፡
አስተዳሎክ ለርእስክ ውስተ ዐፀደ ግፍዕ ተርእዮ፡ ወኩሎ በዘይደሉ አቅደምክ
ሐልዮ።

20. ሰላም ለዘበንክ እመለኮቱ ዘኢተዐርቀ፡ እንዘ በአፍአሁ ይትዌከፍ ጥብጣቤ
ሕግግት መጽዕቀ፡ ጉንደ ሐረገ ወይን ክርስቶስ እንተ ትፀውር አዕፁቀ፡በቤተ
ከብካብ ጊዜ ትገብር ምርፋቀ፡ ለአስካልክ ረስየኒ ዝቀ።

21. ሰለም ለእንግድዓክ ቀላዩ ልቡና ወአእምሮ፡ በሐመረ ፍትወት

ወዳሕቅ ልበ ጠቢባን ዘኢሰፈሮ፡ ኢየሱስ ክርስቶስ ኂሩት

ወተፋቅሮ፡ ሰበ ይገሥሥ ሕልናዩ ለመንዲልክ ዘፈሮ፡ ንቅዕ

ኅጢአትዩ ለገበርክ እምድሩ ይሠሮ።

22. ሰለም ለጎፅንክ ምርፋቀ በረከት ወሣህል፡ ዘአስመክ ቦቱ ወልደ

ዘበዴዎስ ድንግል፡ ኢየሱስ ክርስቶስ ሃይማኖትዩ ወንጌል፡ ከመዕፀ

ሐምል ስፍሕተ አዕፅቅ ወቆጵል፡ ብዙኅተ አዕዋፈ አጽልሎተ ተክል።

23. ሰለም ለአኢዳዊክ ጽቡረ እለ ገብራ፡ በምራቀ አፍክ ቅዱስ አዕይንተ
ዕዉር ይፍጥራ፡ ትምህርተ ኅቡአት ክርስቶስ ዘትትነገር ኢምጵርስፎራ፡
ነገስታት በእንቲአክ ይገድፋ ንራ፡ ወዕጠቆሙ ይፈትራ።

24. ሰለም ለመዘርዒክ ከመ ቀስተ ብርት ጽኑዕ፡ እለ ያነትዓ ፀረ አመ ዕለተ
መንፈስ ወጸብዕ። ኢየሱስ ክርስቶስ ጠረጴዛዩ ምሥዋዕ፡ አስትየኒ ማዩ
ሕይወት ኢመስቀልክ ጽዋዕ፡ ዘእንበሌሁ ኢይድኅን ሰብእ።

25. ሰለም ለኩርናዕክ ኩርናዕ ክቡድ አንበሳ፡ ዘቀጥቀጠ ኩሎ አርእስተ
ሥቡሐን እንስሳ፡ ኢየሱስ ክርስቶስ ሞገሰ ዳንኤል ነቢዩ ሱሳ፡ ድኅረ
ተፈጸመ ሱባዔ ሰንበታት ስሳ፡ በሞጽአቲክ ተኅ ትመ አበሳ።

26. ሰላም ለእመቸክ መስፈርተ መዘርዕ ወእድ፡ እስከ ድንፈ መስቀል
በሐብል ዘስሐብዎ አይሁድ፡ ኢየሱስ ክርስቶስ እምነ አእላፍ ውሉድ፡
ኅድፈኒ ብጥበብክ እምተሠጥሞ ንጋይ ክቡድ፡ ናሁ በላዕሌየ ተንሥኤ
ሞገድ።

27. ሰላም ለእራጎክ መክፈልተ ሕማማት ሱቱፍ፡ ወቅንዋቲሁ እኤምኅ
በአፍ፡ ኢየሱስ ክርስቶስ በላዕላ ቅዱሳን ዕሩፍ፡ ይፀንስ ውስተ ከርሥየ
ዘርአ ቃልክ መጽሐፍ፡ ፀዳለ እምፀዳል ከመ ትፀንስ ዖፍ።

28. ሰላም ለአፃብዒክ አፃብዐ አዳም ዘተኬነዎ፡ ወነቀላ ዐፅመ በእንተ
ሕይወታ ለሔዎን፡ ኢየሱስ ክርስቶስ አመ ተለዐልክ እምድረ ጌዎ፡ ለገነተ
ድድቅ ዘእደ ሱራፈ ዐፀዎ፡ ቤዛ ኅጢአን ኩሎሙ ደምክ አርኅዎ።

29. ሰላም ለአፀፋረ እዳክ ዘኅበሪሆን ፀዕዳ፡ በምግባር ወግእዝ እለ
ይትዋሐዳ፡ ኢየሱስ ክርስቶስ ምስፍና አባሉ ለይሁዳ፡ ለመንግሥትክ
ስፋኒት እንዘ ይትመሐለሉ ዐዉደ፡ ሰብአ ሰገል አወፈዩ ጋዳ።

30. ሰላም ለገቦክ ዐዘቅተ ሥጋዌ ፍሉሕ፡ እንተ እምኔሁ ተውህበ ፈልፈለ
ቅዱሳት ወንጽሕ፤ ኢየሱስ ክርስቶስ ዘኢሳይያስ መካሕ፡ አመ
አስትርአይክ በልብሰ ባሦር ቀይሕ፡ መልአክ ሞት ተሠጥመ በላህ።

31. ሰላም ለከርሥክ ዘኢትፈተን መዝገቡ፡ ም ዕመቄ ወሚ ራኅቡ፡ ኢየሱስ
ክርስቶስስ ለወንጌል ንግሥክ ባሕር አስትአ በረከት ወሀቡ፡ ወእለ
የኅድሩ

- ዲቦ የብስ አምላክ አቅረቡ። ሰላም ለልብክ ቅርብ ኩልያት ምንታዎ።
እንተ ያንሰሐስሕ ቦቱ መንፈስ ሕሊናክ ኅብ ህላዌ። ኢየሱስ ክርስቶስ
ፍዴመ ትስብእት ወሥጋዌ። በቃለ እንቲአክ አመ ትትፍታህ ነነዌ።
ውስተ መቅደስክ ረስየኒ ሠርዌ።

32. ሰላም ለሕሊናክ ዘይሔሊ ሠናያተ። ለውሉደ ሰብእ ምሕረተ።
ክርስቶስ ብርሃን ዘአስሰልክ ጽልመተ። ላዕለ ኪሩቤል ነቢረክ
ዘትሬኢ ቀላያተ። ስብሕኒ ወልዑል አንተ።

33. ሰላም ለገንብርትክ ማእከለ ጠባይዕ ዘተመልአክ፡ በኩሉ ቱስሕቱ እንዘ ይትመኔስል ማእከክ፡ መንግሥተ ሰማያት ክራስቶስ ከመ ዮሐንሶ ሰበክ፡ በሐፍ ወበድካም እለ ኣሥመሩ ኪያክ፡ ዲናረ ሃይማኖት ነሢአሙ ዮአትው ሠርክ።

34. ሰላም ለሐቋክ እንዘበ ልዕልና፡ ከመ ገብር ድኩም ዘቀነተ ሐብለ ትሕጥና፡ ኅብስተ ሕይወቶሙ ክርስቶስ ለእለ ይነሥኡ ስመ ክርስትና፡ አኮአ ኅብስተ እስራኤል መና፡ ዘዕሤተ ሞት ፈደዩ በሲና።

35. ሰላም ለአቀያዲክ አዕማድ ያቁም ወበለዝ፡ እለ ይፀወራ ቦቶን መልክዕተ ኩሉ ትእዛዝ፡ ኢየሱስ ክርስቶስ ምጽላለ ሕይወትዩ አርዝ፡ ተበአሶ በጽላሎትክ ለአርፎ ዐመፃ ወሕምዝ፡ ኢይሳነነኒ ለገብርክ ዳግመ እምዝ።

36. ሰላም ለአብራኪክ እለ አውተራ ስግደተ፡ እንዘ የዓርጋ

ላዕለ ወእንዘ ይወርዳ ታሕተ፤ ጊዜ ተቀባዕክ ክርስቶስ

ዘአልቦስጥሮስ ዕፍረተ፡ ገብርከሶ እምፈተውኩ አሜሃ ዕለተ፡

ማርያምሃ ትኩነኒ እኅተ።

37. ሰላም ለአእጋሪክ እለ ጠብዓ ለቀዊም፡ ቅድመ ዲላጦስ

ፈታሂ መስፍነ ይሁዳ ወሮም፡ ኢየሱስ ክርስቶስ ዘቅማልም

ወዮም፡ ኅበወረደ ወነጠባ ዝናመ አእጋሪክ ደም፡ ለመስቀልክ

በሰጊድ ሰላም።

38. ሰለም ለስኩናክ እንተ ይስተጋብእ ኩሎ፡ ኅባ ኅደገ ወቀጽዐ
ውስተ ሠሌዳ ኩኩሕ ሥዕሎ፡ ኢየሱስ ክርስቶስ ለመልአክ ዓለም
ዘትቶቤቀሎ፡ ስብሐቲክ እርአይ እግዚአ እምቅድመ ዓለማት ዘሀሎ፡
መንጦላዕተ ዓይንዩ ቅላዕ ወአብርህ ጸዳሎ።

39. ሰለም ለመከዶድክ አሐዱ አሐዱ፡ ውስተ ቤተ መቅደስ ለምህሮ
እለ ገይሠ ለመዱ፡ ኢየሱስ ክርስቶስ ዘመዓዛ ፍቅርክ ዕቑረ ናርዱ፡
አኅዊክ ስማዕታት ቈላተ ሕማማት ወረዱ፡ ወጸድቃኒክ ገዳማተ
ዖዱ።

40. ሰላም ለአፃብዒክ እምጉንደ እልኔ አእጋር፡ እለ
አሕመልመላ ደርገ አርአያ አዕፁቅ ዓሥር፡ ኢየሱስ ክርስቶስ
ወልደ ኢግዚአብሔር፡ በዘባነ ባሕር ከመ ትቶለሃይ ሐመር፡
መንክር ተላህያ በዘለክ ፍቅር።

41. ሰላም ለአፀፋረ እግርክ በደመ ቅንዋት እለ ተጠምዓ፡
እስከ ጽዕዳዌሆን ለብሶ ልብሶተ ጠባይዕ ካልኦ፡ ኢየሱስ
ክርስቶስ ዘተሰቀልክ በአፍኦ፡ ከመ እዜኑ ኂሩተክ ወእከዉን
ስምዐ፡ መምህረ ረሳይኩክ ረስየኒ ረድኦ።

42. ሰላም ለቆምከ ሐመልማለ ቀይሕ ሥጋ፡ ክርስቶስ ቀዳሜ ጸጋ፤ ናሁ ሰፈነት ወሰፈፈት ኢንበለ ንትጋ፡ ለባሕረ ሣህልከ ዘኢይነጽፍ ፈለጋ፡ ውስተ ሕሊናየ ኣስተጋብእ ኣይጋ። ሰላም ለመልክዕከ መልክዕ ክቡር ኣምላክ፡ እለ ይቴሐታ ሎቱ ኣረስተ ሰኩና ውብርክ፡ ኢየሱስ ክርስቶስ ሐዋርያነ መልአክ፡ ይትመላሕ እምሕሊናየ በተግሣፅከ ቡሩክ፡ ኅጠተ ደዌ ዘበቄለ ሦክ።

43. ሰላም ለፀኣተ ነፍስከ ኅይለ ሥልጣነ ሞት ዘቀነየ፡ ጽዋዐ ፕሲካ ምሉኡ ድኅረ ሠለጥከ ሰትየ፡ ጥዑመ ከናፍር ክርስቶስ እንተ ትነብር ሰደየ፡ በሞት ወበሕይወት ኣማኅፀንኩ ነፍስየ፡ ውስተ እዴክ ዘገብረ ሰማየ።

44. ሰላም ለበድን ሥጋክ እመለኮቱ ዘኢተፈልጠ፡ ለሰዓት

አሐቲ ከመ ቅጽበተ ዐይን ኅዳጠ፡ መዝገበ ባሕርይ ክርስቶስ
ዘኢተአምር ተዉላጠ፡ ኢኮ ዘሐይቅ ጽጌረዳ ወዘባሕር
ሰግላጠ፡ ባሕቱ ሃይማኖትዩ እሁብከ ሢጠ።

45. ሰላም ለግንዘተ ሥጋክ በአፈው ወከርቤ ሕውስ፡

ወበልብሰ ገርዜን ንጽሕ ዘኅበሪሆን ጥሦስ፡ መርዓዌ ሥርግወ
አመ ትመጽእ ክርስቶስ ዐሥረኒ ለቀበላክ በማኅቶተ ምግባር
ውዱስ፡ ከመ ድናግል ጠባባት ዘኑልቆን ኃምስ።

በርዕዮታዊ እርባአክ ተጻጻፊ ባዕ ዘርከርከፍ ሥርዓተ

46. ሰለም ለመቃብርክ መካነ ምሥጢር ጎልጎታ፡ ቀዳሚ
አዳም ዘኢተቀብረ በዉስቴታ፡ ኢየሱስ ክርስቶስ በረከተ
ኤልይስ ዘሰራጵታ፡ ሣህልክ ወምሕረትክ ይመግባኒ በፆታ፡
ከመ ሐገፋ ወሥሙር ወልታ።

47. ሰለም ለትንሣኤክ እምድጎረ ዕለታት ክልኤ፡ ዐቀብተ
መቃብር አፍላፍ እንበለ ይስምዑ ቀርነ ጽዋዔ፡ ወበእንተዝ
ይብሉክ ክርስቶስ በኩረ ትንሣኤ፡ ተአመንኩ ቅድመ ገጸ
ኩሉ ጉባኤ፡ ኪያክ አባ ወኪያክ ረዳኤ።

የኢየሱስ ክርስቶስ ትንሣኤ ቤተ ክርስቲያን ላይኛ

48. ሰላም ለትንሣኤክ እንተ ተጠየቀ ቦቱ፡ ዜና ትንሣኤሆም በክብር ለቋዱሳን ዘሞቱ፡ ኢየሱስ ክርስቶስ ለዳዊት ቀርጎ መንግሥትሱ፡ በዓለ ትንሣኤ ፋሲካን ዝንቱ፡ እስመ ሥርዓቱ ለእስራኤል ውእቱ።

49. ሰላም ለዕርገትክ ዘኢይትረከብ መጠኑ፡ ወለንብረትክ ሰላም ለአቡክ ውስተ የማኑ፡ ኢየሱስ ክርስቶስ እለ ኢያክ ተአመኑ፡ ቅዱሳን ዘእምኅቤክ ወንድሐን ይኩኑ፡ ጳራቅሊጦስሃ መንፈስክ ፈኑ።

50. ሰላም እምብ ለምጽአትክ ከዋላ፡ በደመና ሰማይ ብርሃት እንተ ትፀድል እምሥነ ዕብላ፤ አመ ትመጽእ በስብሐት ክርስቶስ ርእሶ መሐላ፡ ጸውዐን ለአግብርቲክ ውስተ ዐፀደ ፍግዕ ወተድላ፡ ናንሶሱ ምስሌክ በሐዳስ ቀጸላ።

51. እምሥራቀ ፀሐይ እስከነ ዐረብ ይትክኮት ስሙ

ለእግዚአብሔር አምላክነ፡ ኪያከ ወልደ ዘፈነወ ለነ፡ ኢየሱስ ክርስቶስ ሊቀ ካህናቲነ፡ አስተጋብአነ ንብ ትረፍቅ መካነ፡ እስመ ዝርዋን አግብርቲክ ንሕነ።

52. ስብሐት ለከ አምላክዮ በኑልቄ ኩሉ ሥዕርትዮ፡ ስብሐት

ለከ አምላክዮ በኑልቄ ኩሉ ዘተርአዮ፡ ስብሐት ለከ አምላክዮ በኑልቄ ኩሉ ዘኢያስተርአዮ፡

ስብሐተ ሥላሴክ ወትረ ይነግር አፍዖ።

54. እምክሱ ደኔይስ በሥላሴክ ተአምኖ፡ ወበወላዲትክ ተማኅፅኖ፡

ኢየሱስ ክርስቶስ እምቤተ መንግሥት ወተክህኖ፡ ተሰብኢተክ እመቦ
ዘያስተሐቅር መኒኖ፡ ያንኲርኲር ታሕተ ደይን ግዱፈ ከዊኖ።

55. ሰለም ሰለም ለኲሎን መልክዕክ፡ አምሳለ መልክዑ ለአቡክ፡

ኢየሱስ ክርስቶስ ሕማማተ መስቀል ዘፀርክ፡ ኅብኢኒ እምገጸ ሞት
በእንተ ማርያም እምኪ፡ አምላኪየ አምላኪየ ኢይጽናዕ ልብክ።

አምላክ ምድር ወሰማያት፡ አማላክ ባሕር ወቀላያት፡ ወአምላክ ኩሉ ፍጥረት፡ አምላኮሙ አንተ ለአባው ቀደምት፡ አምላኮሙ ለነቢያት፡ አምላኮሙ ለሐዋርያት፡ አምላክ ዳድቃን ወሰማዕት፡ መሐረን ለነ አምላክነ እስመ ግብረ እደክ ንሕነ፡ ወኢትዝክር ኩሎ አበሳነ።

አ እግዚአብሔር ኢየሱስ ክርስቶስ ዕቅብኒ ወአድጎነኒ እመከራ ሥጋ ወነፍስ ሊተ ለገብርክ፡ ለእገሌ



የግእዝ ቋጥኖች



- አልቦ 0
- ፩ አሐዱ 1
- ፪ ክልኤቱ 2
- ፫ ሠለስቱ 3
- ፬ አርባዕቱ 4
- ፭ ሐምስቱ 5
- ፮ ስድስቱ 6
- ፯ ስብዓቱ 7
- ፰ ስምንቱ 8
- ፱ ተሰዓቱ..... 9
- ፲ አሠረቱ.....10
- ፲፩ አሠረቱ ወአሐዱ 11
- ፲፪ አሠረቱ ወክልኤቱ 12
- ፲፫ አሠረቱ ወሠለስቱ 13



- ፲፬ አሠረቱ ወአርባዕቱ 14
- ፲፭ አሠረቱ ወሐምስቱ 15
- ፲፮ አሠረቱ ወስድስቱ 16
- ፲፯ አሠረቱ ወሰብዓቱ 17
- ፲፰ አሠረቱ ወስምንቱ 18
- ፲፱ አሠረቱ ወተሰዓቱ 19
- ፳ እስራ 20
- ፳፩ እስራ ወአሐዱ 21
- ፳፪ እስራ ወክልኤቱ 22
- ፳፫ እስራ ወሠለስቱ 23
- ፳፬ እስራ ወአርባዕቱ 24
- ፳፭ እስራ ወሐምስቱ 25



፳፮ እስራ ወስድስቱ 26

፳፯ እስራ ወሰብዓቱ 27

፳፰ እስራ ወሰምንቱ 28

፳፱ እስራ ወተሰዓቱ 29

፴ ሠላሳ 30

፴፩ ሠላሳ ወአሐዱ 31

፴፪ ሠላሳ ወክልኤቱ 32

፴፫ ሠላሳ ወሠለስቱ 33

፴፬ ሠላሳ ወአርባዕቱ 34

፴፭ ሠላሳ ወሐምስቱ 35

፴፮ ሠላሳ ወስድስቱ 36

፴፯ ሠላሳ ወሰብዓቱ 37

፴፰ ሠላሳ ወሰምንቱ 38

፴፱ ሠላሳ ወተሰዓቱ 39

፵ አርብዓ 40

፵ ሃምሳ 50

፶ ስድሳ 60

፷ ሰብዓ 70

፹ ሰማንያ 80

፺ ተሰዓ 90

፻ ምዕት 100

፻፩ ምዕት ወአሐዱ 101

፻፪ ምዕት ወክልኤቱ 102

፻፫ ምዕት ወሠለስቱ 103

፻፬ ምዕት ወአርባዕቱ 104

፪፮ ምዕት ወሐምስቱ 105

፪፯ ምዕት ወስድስቱ 106

፪፰ ምዕት ወሰብዓቱ 107

፪፱ ምዕት ወስመንቱ 108

፫ፀ ምዕት ወተሰዓቱ 109

፫፱ ምዕት ወአሠረቱ 110

፫፻፩ ምዕት አሠረቱ ወአሐዱ 111

፫፻፪ ምዕት አሠረቱ ወክልኤቱ 112

፫፻፫ ምዕት አሠረቱ ወሠለስቱ 113

፫፻፬ ምዕት አሠረቱ ወአረባዕቱ 114

፫፻፭ ምዕት አሠረቱ ወሐምስቱ 115

፫፻፮ ምዕት አሠረቱ ወስድስቱ 116

፫፻፯ ምዕት አሠረቱ ወሰብዓቱ 117

፫፻፰ ምዕት አሠረቱ ወስመንቱ 118

፫፻፱ ምዕት አሠረቱ ወተሰዓቱ 119

፬ፀ ምዕት ወእስራ 120

፬፱ ምዕት ወሠላሳ 130

፬፻ ምዕት ወአረብዓ 140

፬፻ፀ ምዕት ወሃምሳ 150

፬፻፱ ምዕት ወስድሳ 160

፬፻፳ ምዕት ወሰብዓ 170

፬፻፳፱ ምዕት ወሰማንያ 180

፬፻፴ ምዕት ወተሰዓ 190

፭ፀ ክልኤቱ ምዕት 200

፭ፀ፻፩ ክልኤቱ ምዕት ወአሐዱ 201

፭ፀ፻፪ ክልኤቱ ምዕት ወክልኤቱ 202

፭ፀ፻፫ ክልኤቱ ምዕት ወሠለስቱ 203

፭ፀ፻፬ ክልኤቱ ምዕት ወአረባዕቱ 204

፪፻፬፮ ክልኤቱ ምዕት ወሐምስቱ 205

፪፻፬፯ ክልኤቱ ምዕት ወስድስቱ 206

፪፻፬፱ ክልኤቱ ምዕት ወሰብዓቱ 207

፪፻፬፰ ክልኤቱ ምዕት ወስምንቱ 208

፪፻፬፱ ክልኤቱ ምዕት ወተሰዓቱ 209

፪፻፬፲ ክልኤቱ ምዕት ወአሠርቱ 210

፪፻፲፩ ክልኤቱ ምዕት አሠርቱ ወአሐዱ 211

፪፻፲፪ ክልኤቱ ምዕት አሠርቱ ወክልኤቱ 212

፪፻፲፫ ክልኤቱ ምዕት አሠርቱ ወሠልስቱ 213

፪፻፲፬ ክልኤቱ ምዕት አሠርቱ ወአርባቱ 214

፪፻፲፭ ክልኤቱ ምዕት አሠርቱ ወሐምስቱ 215

፪፻፲፮ ክልኤቱ ምዕት አሠርቱ ወስድስቱ 216

፪፻፲፯ ክልኤቱ ምዕት አሠርቱ ወሰብዓቱ 217

፪፻፲፰ ክልኤቱ ምዕት አሠርቱ ወስምንቱ 218

፪፻፲፱ ክልኤቱ ምዕት አሠርቱ ወተሰዓቱ 219

፪፻፳ ክልኤቱ ምዕት ወእስራ 220

፪፻፳፱ ክልኤቱ ምዕት ወሠላሳ 230

፪፻፳፯ ክልኤቱ ምዕት ወአርባ 240

፪፻፳፮ ክልኤቱ ምዕት ወሃምሳ 250

፪፻፳፰ ክልኤቱ ምዕት ወስድሳ 260

፪፻፳፯ ክልኤቱ ምዕት ወሰብዓ 270

፪፻፳፰ ክልኤቱ ምዕት ወሰምንጾ 280

፪፻፳፯ ክልኤቱ ምዕት ወተሰዓ 290

፫፻ ሠላስቱ ምዕት 300

፬፻ አርባዕቱ ምዕት 400

፭፻ ሐምስቱ ምዕት 500

፮፻ ስድስቱ ምዕት 600

፯፻ ስብዓቱ ምዕት 700

፰፻ ስምንቱ ምዕት 800

፱ ተሰዓቱ ምዕት 900
፲ አሠረቱ ምዕት 1000
፳ እስራ ምዕት 2000
፴ ሠላሳ ምዕት 3000
፶ አርባ ምዕት 4000
፷ ሃምሳ ምዕት 5000
፸ ሳድስ ምዕት 6000
ፍ ሰባ ምዕት 7000
፳ ሰማንያ ምዕት 8000
፺ ተሰዓ ምዕት 9000
፫ እልፍ 10,000
፬ ከልኤቱ እልፍ 20,000
፭ ሠለስቱ እልፍ 30,000
፮ አርባዕቱ እልፍ 40,000
፯ ሐምስቱ እልፍ 50,000
፰ ስድስቱ እልፍ 60,000

፯ ሰባቱ እልፍ 70,000
፰ ስምንቱ እልፍ 80,000
፱ ተሰዓቱ እልፍ 90,000
፲ አሠረቱ እልፍ 100,000
፳ እስራ እልፍ 200,000
፴ ሠላሳ እልፍ 300,000
፶ አርባ እልፍ 400,000
፷ ሃምሳ እልፍ 500,000
፸ ስድሳ እልፍ 600,000
ፍ ሰባ እልፍ 700,000
፳ ሰማንያ እልፍ 800,000
፺ ተሰዓ እልፍ 900,000
፫ አእላፋት 1,000,000
፬ ትእልፊት 10,000,000
፭ ትልፊታት 100,000,000
፮ ምእልፊት 1,000,000,000

➤ አነሳስቶ ለስጅመረኝ አስጅምሮም ለስፈጸመኝ ለልዑል
እግዚአብሔር ክብር እና ምስጋና ውዳሴ እና አምልኮት
ኃይል እና ጌትነት ሁሉ ለእርሱ ይሁን አሜን ወአሜን
ለይኩን ለይኩን እስከ ለዓለም። ለእመባታችን
ለቅድስት ድንግል ማርያምም ምስጋና ይሁን
። ለፃዲቃንና ሰማዕታት ለቅዱሳን መላዕክትም ሁሉ
ምስጋና ይሁን።

➤ ወስብሐት ለእግዚአብሔር ወለወላዲቱ
ድንግል ወለመስቀሉ ክቡር ይቅኑት
ወይሰባእ ስሙ ለእግዚአብሔር ወቅረ ባኩሉ
ጊዜ ወባኩሉ ሰኑት።

በዲ.ን ገብረሚካኤል ፊታ.

ሕዳር 17 ቀን 2011 ዓ/ም